

輿地志十四

湖北通志卷十四

藩封

藩鎮戎蠻土司附 案馬氏文獻通考封建類於春秋列國

以後則但列親藩而不及異姓其詳略之故馬氏本書言之甚

晰亦極當茲沿其例唐以後亦但志親藩其皇子封王後仍卽

者不錄

上古三代 風 復州竟陵縣城本古風城古之風國卽伏羲風姓也南臨汜

水 元和郡縣志 案路史國名紀言太昊之後上世貳國於風而

其祚則封國當在黃帝以前方輿紀要五華山在景陵縣東七十

里

屬 炎帝潛邦今隨縣之北厲鄉賴鄉也有厲山神農是生春秋

之厲國通爲賴然厲賴異 路史國名紀 案左氏桓十三年傳屈

義陽隨縣春秋經僖十五年齊師曹師伐厲杜注厲楚與國義陽

志十四

輿地十四 藩封

此尤足爲厲賴一國之證水經注溲水篇云厲鄉南有重山卽烈

山山下有穴父老相傳是神農所生處故禮謂之烈山氏亦云賴

鄉故賴國也有神農社亦謂賴卽爲厲羅氏旣依此說云厲通爲

賴又云厲賴異是自相矛盾矣神農起於厲山必先有國而後爲

天子旣卽位其子姓支庶必仍有留封於是守故土而奉宗祏者

是厲爲上世古國春秋時猶存以小而近楚遂爲楚之屬國耳

襄 今襄陽古襄國黃帝時襄城小童者非襄邑 路史國名紀 案漢書地理志

襄邑屬陳留郡又潁川郡有襄城趙國有襄國 襄陽爲古國未詳何據

西陵 黃帝元妃嫫姓國今江夏安陸間故吳以安陸 今本譌安

陵屬右扶風郡 爲西陵 案楚西陵有二史記楚世

不隸江夏也 爲西陵 案頃襄王二十年秦將白起拔西陵二十

一年遂拔郢燒先王墓夷陵西陵在今東湖縣西北二十五里清

一統志卽西陵峽盛弘之荊州記所謂自夷陵沂江二十里入峽

口名爲西陵者吳黃武元年改夷陵縣爲西陵以此楚之西境也

兩漢地理郡國志江夏郡皆有西陵晉地理志屬弋陽郡史記正

義引括地志謂其故城在黃州黃岡西二里方輿紀要言在府東

北水經注云江水又東逕西陵縣故城南蓋卽吳志甘寧傳所謂

拜西陵太守領陽新下雒二縣者楚之東境也羅泌蓋以

爲今黃岡之西陵惟吳無改安陸爲西陵事未知所本

育唐 帝堯夏桀皆嘗伐之南陽章陵之上唐鄉也班固云古國

括地志

今本志皆引作象

唐鄉故地在隨州

路史國名紀案育唐疑當為有唐古國名多加有字為

語助如有娥有仍有藝有窮之類皆是虞夏殷周之號其稱有亦

正同而字並作有則育乃形近之譌也此堯時

西夏

今鄂故大夏有夏水漢水也

原注漢水之曲為夏口今屬漢陽江夏記沈尹射奔命於

夏汭

周書云西夏仁而去兵城郭不修武士無位堯伐亡之

路史

紀案逸周書史記篇言西夏性仁非兵唐氏伐之而亡西夏當

在晉而不左氏昭元年傳后帝不臧遷實沈于大夏唐人

因杜注后帝堯也大夏今太原晉陽也史記晉世家封叔虞於唐索

隱云唐本堯後封在夏墟而都鄂鄂今在大夏集解引世本及宋

錄特存

而辨之

陰

唐虞時國商世陰君長生之祖故長生詩云惟予之先佐命

唐虞

路史國名紀案左傳昭十九年楚工尹赤遷陰于下陰即古陰國之後春秋時國絕而為楚屬邑者春秋傳說彙纂言

志十四

輿地十四 藩封

二

今襄陽府光化縣西漢水西岸有故陰縣城即楚之下陰則其舊

壤宜亦去此不遠猶權之遷於那處也方輿紀要謂遷陰地之戎

於此陰戎即陸渾戎之居晉地者顧棟高春秋大事表亦泐其說

攷左傳陸渾之戎昭十七年已滅於晉而哀公四年晉陰地命大

夫士蔑始請諸趙孟致九州之戎杜注九州戎即在晉陸渾者執

蠻于赤以界楚昭公時戎在晉地楚烏能遷之其為古陰國之遺

族無疑文獻通考言管夷吾七世孫修適楚為陰大夫蓋是時陰

已滅為楚邑故可使管修為之尹雍正湖廣通志謂陰國封於穀

皆嬴姓說較可信

若陰戎則允姓矣

房 唐堯一百年帝陟于陶帝子丹朱避舜于房陵舜讓弗克遂

封于房為虞賓 竹書紀年案房陵即春秋時之防渚左傳文十

理郡國二志注家亦無以房陵為古國者然唐書宰相世系表言

舜封丹朱於房輿地紀勝於房州沿革亦引是說路史廣輿記並

云丹朱封此今房縣志猶載有丹朱墓堯子埡在城東北八十

里雖土人附會要亦必有所因竹書云云未可斥為虛妄矣

南 秦昭襄王二十九年使白起拔郢郢以漢南地置南郡郢周

書曰南國名也南氏有二臣力均勢敵競進爭權君弗能制南氏

用分韓嬰詩敘云其地在南郡南陽之間呂氏春秋所謂禹自塗

山巡省南土者是郡取名焉水經江水篇注 案周書有南氏路

平林 古之亡國後漢平林盜起者在隨縣東北路史國名紀 案羅云平林挾

丹陽 孟涂所封今建平郡有丹陽城括地志云丹陽故國歸州

巴東縣也路史國名紀 案竹書紀年帝啟八年使孟涂如巴

施 本嬉國紂伐有施有施以嬉進今施州路史國名紀 案國

楚 其先出自帝顓頊高陽其後為重黎至周成王時舉文武勤

志十四

輿地十四 藩封

三

陽水經注已辨之史記集解引徐廣說正義引穎容釋例並謂在
南郡枝江亦非是括地志歸州巴東縣東南四里有故城楚子熊
繹之始國也又熊繹墓在歸州稱歸縣輿地志秭歸縣東有丹陽
城過迴八里熊繹始封也二說與水經注合杜氏通典謂楚都丹
陽為今秭歸縣後徙枝江亦曰丹陽路史楚芊姓後熊繹初封居
丹陽今之秭歸縣武王徙枝江亦曰丹陽是枝江之丹陽武王徙
都而以故地名之者也又案方輿紀要引都邑攷言楚文王始都
郢今荆州府北十里紀南城是平王更城郢而都之今荆州府東
北三里故郢城是水經注謂子囊遺言所築者也昭王遷都旋還
郢至襄王東北保陳城考烈王遷鍾陽又遷壽春亦曰郢陳城即
故陳國鉅陽壽自熊繹至負芻四十一傳而為秦所滅文獻通考
春地皆在江南

旬宜王康 熊渠生子三人立其長子康為旬宜王史記楚世家 案集解引

鄂王紅 中子紅為鄂王史記楚世家 案正義引括地志云武

越章王執疵 封少子執疵為越章王皆在江上楚蠻之地史記

楚世

家案越章地未詳所在然史明言皆江上楚蠻則去句宜東鄂當不遠路史云或曰卽句章句章在越漢屬會稽郡此時非楚境也

隨 姬姓侯爵地在義陽隨縣今隨州文獻通考 案路史有兩隨一云炎帝裔得地珠者李白云漢東之國神農之後季梁爲大賢一引世本云姬姓楚滅之今隋之隨縣晉之隨郡有地邱隨侯臺墓左氏定五年傳吳人謂隨曰周之子孫在漢川者楚實盡之則隨當爲周之同姓然神農起於厲山其地在隨則帝之後裔亦必有受封於隨者春秋之隨蓋仍其舊壤因國絕而改封姬姓者耳

鄧 曼姓商之侯國其地今襄陽鄧城是也通志氏族略 案方纂並云鄧城在襄陽府東北二十里卽春秋鄧國地春秋大事表乃以爲今河南南陽府之鄧州疑非是水經注鄧縣故鄧侯吾離之國也楚文王滅之秦以爲縣又云涓水右合濁水流逕鄧縣故城南習鑿齒襄陽記曰楚王至鄧之濁水去襄陽二十里卽此水也又云濁水東逕鄧塞北卽鄧城東南小山也方俗名之爲鄧塞觀此可知鄧之在襄陽矣

鄧 子爵今湖廣襄陽府城東北十二里有鄧城春秋大事表 案左氏桓九年傳楚子使道朔將巴客以聘於鄧鄧南鄙鄧人攻而奪之幣鄧爲鄧之南鄙疑爲邑而非國然水經注云涓水又東逕鄧城東古鄧

志十四

輿地十四 藩封

四

子國鄧之南鄙也左傳杜注鄧在今鄧縣南沔水之北蓋本鄧之附庸其地仍在鄧境之內而當南方故以爲鄧之南鄙也路史國名紀言爲鄧所分亦曼姓

穀 嬴姓伯爵春秋穀伯綏之裔也今襄陽穀城縣西北七里故

穀城是通志氏族略 案春秋桓七年穀伯綏來朝杜注穀國在南陽筑陽縣北筑陽卽今穀城縣治也

庸 商時侯國周武王時來助伐紂今房州西二百五十里故上

庸城是文十六年楚滅之通志氏族略 案春秋楚滅庸杜注謂今上庸縣屬楚之小國上庸卽陽府之

竹山縣也今縣東四十里猶有上庸故城見方輿紀要

麋 嬴姓子爵國近楚在今均州鄖鄉文獻通考 案鄖鄉卽今鄖縣宋時屬均州左氏文

十一年傳楚子伐麋成大心敗麋師於房渚潘崇復伐麋至于錫穴防渚卽今房縣錫穴漢爲錫縣今鄖陽府西有錫城知麋當在鄖鄉也永定五年傳吳師居麋王使由于城麋春秋傳說彙纂言今湖廣岳州府巴陵縣東有麋城此則去鄖鄉遠當爲楚之邑名而非國

羅 熊姓國在宜城縣西山中後徙南郡枝江縣左傳桓十二年杜注 案春秋

傳說彙纂云湖廣襄陽府宜城縣西二十里羅川城乃羅故國其在岳州府平江縣南三十里之羅城是後徙處楚遷之枝江今枝江縣屬湖廣荊州府又自枝江徙長沙今長沙府湘陰縣東六十里亦有羅城是其國凡三徙矣

郡 允姓爵未詳國本在商密秦楚界上其後遷於南郡都縣文獻通考案都縣故城在今宜城縣東南九十里水經注沔水又逕都縣故城南古都子之國也秦楚之間自商密遷此為楚附庸楚滅之以為邑縣南臨沔津北有大城楚昭王為吳所迫自紀鄆徙都之即所謂鄆都盧羅之地也秦以為縣然則都亦子爵矣

鄆 郢姓今襄之宜城楚之鄆都一曰郢與莒鄆鄆異路史國案潛夫論妘姓之後封於鄆國語鄆之也由仲任韋昭注鄆妘姓之國為鄭武公所滅是妘姓之鄆本近鄭蓋即今河南開封府之鄆陵縣也羅氏以為楚之鄆都與鄭鄆異蓋不從韋說春秋傳說彙纂顧氏方輿紀要亦並以宜城縣故城為古鄆國水經注襄陽城北枕沔水楚之北津戍也其土古鄆都盧羅之地秦滅楚置南郡號此為北部都盧羅所舉皆國名鄆當一類豈楚之鄆其始封而鄭之鄆實其後徙者耶舊志

權 姓爵俱未詳國在南郡當陽縣今荆門軍文獻通考案唐權子姓商武丁之裔通志氏族略又以為芊姓帝顓頊之後未知孰是春秋大事表以權為子爵因其國小云然耳左氏莊十八年

志十四

輿地十四 藩封

五

傳楚武王克權使鬬緡尹之以叛國而殺之遷權於那處杜注南郡當陽縣有權城編縣東南有那口城今權城在鍾祥縣西南見清一統志蓋當陽縣境所改隸那口城在荆門州東南見方輿紀要即漢晉編縣地也

那 荆門州東南有那口城為楚那處地楚武王遷權於此舊為

文王子聃季載所封聃史記作聃或作那皆讀為然不知何年入

楚荆門州志亦謂之權國蓋權那二國本相近也春秋大事表案史記管蔡世家言周公承成王命封季載於丹索隱云丹國也或作那下引國語賈逵注及左傳遷權那處之事為說謂聃那皆音奴甘反是亦以那處為季載封國矣然今

皆讀那為乃多反與聃音異

樊 襄之鄧城有樊城鎮樊侯國也南雍州記荆州圖副摯虞等

皆以為仲山甫之封路史國名紀案水經注沔水又東逕平魯城南城魯宗之所築也東對樊城樊仲山甫

所封是亦同摯虞諸人之說國語晉語陽有樊仲之官守焉陽謂陽樊乃仲山甫為卿士時所受之采邑而非其本封解者弗達遂謂仲之國實在陽樊矣國名紀又言帝堯時有樊仲文國在今武昌樊山未知何據

夔 子爵芊姓楚君熊摯之後今歸州東二十里故夔子城是僖

二十六年楚滅之

通志氏族略案左氏僖二十六年傳夔子不祀鬼神弗赦而自竄于夔吾是以失楚杜注云熊摯楚嫡子有疾不得嗣位故別封為夔子宋均注樂緯云熊渠嫡嗣曰熊手有惡疾者得漢地理志云秭歸歸鄉故歸國宋忠曰歸國即夔國

鄭安州春秋時為鄖子國後楚滅鄖封鬬辛為鄖公即其地

寰宇記案史記楚世家昭王走鄖正義引括地志云安州安陸縣城本春秋時鄖國城元和志安州春秋時鄖國城為楚所滅也陸春秋地理志之國故曰鄖城是皆以今安陸縣城為鄖國志亦云竟陵有鄖鄉左氏桓十一年傳鄖人軍於蒲騷杜注謂鄖國在江夏雲杜縣東南有鄖城水經注中口水西有古竟陵大城古鄖國也鄭公辛所治所謂鄖鄉漢竟陵在今天門縣西北雲杜在今沔陽州西北與前數說似不合輿地紀勝方輿紀要春秋傳說彙纂清一統志春秋大事表段氏說文鄖字注皆用前說或在安陸縣者其都城而竟陵雲杜亦封域之所及未可定也又案左氏宣四年傳若敖娶於鄖杜注鄖國名釋文鄖本又作鄖舊皆以鄖鄖為通用字鄖國即鄖國故通典云安州春秋鄖子之國雲夢之澤在焉後楚滅鄖封鬬辛為鄖公即其地是合鄖鄖而一之也然水經注既以竟陵之故城為鄖國其後又以雲杜縣故鄖亭為若敖所娶之鄖漢地理志注於竟陵鄖鄉以為鄖公之邑後於雲杜下又引

志十四

輿地十四 藩封

六

應劭之說言若敖娶鄖是今之鄖亭則鄖鄖又係兩國路史云鄖並出以云為鄖謂為鄖姓之祖以鄖為鄖夫人之國贏姓通志氏族略又謂鄖亦作左亦作鄖又去邑作云贏姓子爵祝融之後其地在安州雲夢縣諸說紛紜未審孰是茲並存之以備攷

唐姬姓侯爵屬楚之小國地在義陽安昌縣東南今隨州唐城

縣文獻通攷案左氏宣十二年傳楚子使潘黨從唐惠侯為左侯與蔡侯吳子伐楚戰于柏舉五年楚子期與秦子蒲滅唐事之見於春秋者僅此漢書地理志云南陽郡春陵上唐鄉故唐國上唐鄉即宋之唐城縣地今隨州西北九十里

貳少昊後偃姓國在隨州南路史國名紀案左氏桓十一年傳楚屈瑕將盟貳軫杜注貳軫二

軫少昊後偃姓國在楚東南路史國名紀案春秋傳

絞少昊後偃姓國在隨唐之南路史國名紀案春秋傳

州蓼伐楚師鄖在今安陸縣諸國宜與相近方輿紀要及春秋傳說彙纂顧棟高大事表並云絞在今湖廣鄖陽府西北則去安陸縣甚遠於情勢弗合當以羅氏之說為正文獻通攷亦云絞在隨唐之南印必有據也

州 少昊後偃姓國今荆南監利故華容古州也近楚小國莊辛

言州侯者非淳于之州 路史國名紀 案左傳杜注亦言州國在

東三十里有州陵城大事表方輿紀要並同

黃 嬴姓顓頊之裔受封於黃以國為氏在今黃州 廖道南楚紀 案左氏桓

八年傳楚子合諸侯于沈鹿黃隨不會杜注黃國今弋陽縣元和志黃國故城在光州定城縣西二十里春秋傳說彙纂今河南汝

寧府光州境弋陽在州東黃城在州西是黃國原在光州然寰宇記輿地紀勝方輿紀要皆以黃州為春秋黃國之地者蓋就黃之

封域言之王象之所謂非古黃國之都特為黃國之境者也

邾 故邾國在黃州黃岡縣東南百二十一里史記云邾子曹姓

也 史記楚世家正義引括地志 案水經注江水又東逕邾縣故城南楚宣王滅邾徙居於此王隱地道記劉昭郡國志注歐陽

恣輿地廣記皆有此說輿地紀勝引齊安志云楚人代邾俘其民徙其君於黃之故墟築城居之號曰邾城今在黃岡西北一百二

十里是固楚所徙封者也元和志乃謂黃岡故邾城古邾國也後為楚所滅漢以為縣則係原有是國而非徙居者矣寰宇記又謂

即魯附庸邾國之地尤謬

志十四

輿地十四 藩封

弦 子爵隗姓今湖廣黃州府蘄水縣西北四十里有軌縣古城

為弦國地又河南光州西南有弦城蓋因光山縣西有僑置軌縣

故城而誤 春秋大事表 案春秋僖五年楚人滅弦杜注弦國在

本在蘄水而通志氏族略文獻通攷路史國名紀並以為在光州仙居縣者或弦子奔黃時嘗居於彼故其地亦有弦城也又案通

攷言弦姓未詳路史以為嬴姓與顧氏說異

蘄 蘄州北有蘄水吳蘄春郡有蘄氏姓苑云以國為氏 路史國名紀

案後漢郡國志蘄春侯國蓋指建武三十年封陳俊子淳為蘄春侯言之漢以前未聞別有蘄國不知姓苑何據

均 均國近庸蓋均州也 路史國名紀

魚 魚人逐楚師者長陽之魚城也舊云魚復 路史國名紀 案

唯裨條魚人實逐之杜注裨條魚庸三邑魚魚復縣今巴東永安縣此以為國者通典言夔州魚復縣為春秋魚國蓋舊說如是然

云長陽之魚城則又不從二杜之說以魚復去庸遠魚復今四川奉節縣故以魚城當之也寰宇記魚城在長陽縣西北五十里四

面險絕為守禦之要

蕩 侯國楚地

路史國名紀 案此未知所出左氏昭十二年傳楚子狩于州來使蕩侯潘子司馬督囂尹午陵尹喜帥師圍徐杜注以蕩侯為楚大夫則非國君可知本書又有御姓國亦謂之蕩云在漢蕩陰縣更非楚地斯豈其徙封者耶姑附志之以俟攷

漢

衡山王吳芮 漢元年正月項羽立都邾五年高帝即位徙封長

沙王 漢書異姓諸侯王表 案清一統志邾縣故城在黃州府治西北二十里水經注江水又東逕故邾縣故城南漢高帝元年項羽封吳芮為衡山都此芮故番尹

臨江王共敖 漢元年正月項羽立都江陵三年敖薨子尉嗣史記

尉作 五年漢虜尉國除 同上 案史記項羽高帝本紀共敖為義帝柱國以將兵擊南郡功多因立為王子

驪嗣為項羽叛漢帝令盧縮劉賈圍之數月而降殺之雒陽漢地理志云南郡秦置高帝元年更為臨江郡五年復故蓋敖父子有國僅五年也

臨江 哀王閔 景帝十四男栗姬生臨江閔王榮臨江哀王閔哀

王以前二年立三年薨無子國除閔王以前四年為皇太子四歲

廢為臨江王三歲坐侵廟墻地為宮被徵詣中尉自殺無子國除

地入于漢為南郡 漢書景十三王傳 案項羽立十八諸侯改南郡為臨江國以封共敖高帝五年國除仍為南

郡景帝二年復置臨江國以封哀王閔薨國除四年又置以封閔王榮其都皆在江陵仍楚郢都之舊也史記諸侯年表於哀王

闕乃云初置臨江都江都以復置為初置以江陵為江都並誤本表言四年初置江都國徙汝南王非為江都王則四年前哀王不

得封江都可知且閔王傳明言被徵時祖於江陵北門又云地入于漢為南郡同臨江也榮都江陵關豈遠宅江都耶

尉文侯丙 趙敬肅王子元朔二年封五年薨元狩元年侯犢嗣

元鼎五年坐酎金免國在南郡 漢書王子後表 案漢地理志南郡無尉文縣史記索隱云凡國名

志所闕者或鄉名或尋廢故志不載此或亦鄉名廢縣之類要其地當在江漢間也

陰城侯蒼 趙敬肅王子元朔二年封太初元年薨嗣子有罪不

得代 同上 案隨書地理志有陰城縣屬襄陽郡蓋以國名為縣

在此今光化縣西之陰縣故城是矣

志十四 輿地十四 藩封 八

春陵侯仁 元朔五年以零陵冷道之春陵鄉封長沙定王子買

為春陵侯至戴侯仁以春陵地形下涇上書請徙南陽元帝許之

以蔡陽白水鄉徙仁為春陵侯漢書地理志注引漢記案王子侯表戴侯乃買之孫其徙封在初

元四年蔡陽即今棗陽縣地買初封冷道之春陵鄉及仁內遷白水仍以舊國名之故漢志南陽郡有蔡陽又有春陵侯國也

襄鄉侯福 趙共王子綏和元年封子章嗣免漢書王子侯表案襄鄉置國始見

於續漢書郡國志成帝時無此縣然則福所封或鄉侯也東漢置縣因其故名耳襄鄉在今棗陽縣東南

安陸侯平 楚思王子元始元年封八年免同上

當陽侯益 廣陽思王子元始二年封七年免同上

鄼侯蕭何 高帝五年封食邑八千戶旋益二千戶及韓信誅更

益五千戶孝惠二年薨子祿嗣無子高后乃封何夫人同為鄼侯

小子延為筑陽侯孝文元年罷同更封延為鄼侯薨子遺嗣薨無

子文帝復以遺弟則嗣有罪免景帝二年以武陽縣戶二千封何

志十四

輿地十四 藩封

九

孫嘉為列侯嘉則弟也薨子勝嗣後有罪免武帝元狩中以鄼戶

二千四百封何曾孫慶為鄼侯慶則子也薨子壽成嗣坐為太常

犧牲瘦免宣帝時復以鄼二千戶封何玄孫建世為鄼侯傳子至

孫獲坐使奴殺人滅死論戍成帝時復封何玄孫之子南繼長喜

為鄼侯傳子至曾孫王莽敗乃絕漢書蕭何傳案清一統志鄼

南陽郡班志以為侯國蓋即指蕭何封國言之也筑陽故城在今

穀城縣東距鄼不過三十餘里故當時封何夫人於鄼俾食其舊

邑即封其小子於筑陽以奉何宗廟之祀史記索隱乃於功臣表

注云鄼音贊縣名在沛郡或更據班固泗水亭高祖碑江統徂淮

賦謂蕭何實封沛郡其夫人始封南陽

其疎謬昔人多有辨之者茲不復贅

郎侯黃極忠 高帝十二年封邑千戶二十七年薨孝文十二年

侯榮成嗣九年薨後元五年侯明嗣三十五年薨元朔五年侯遂

嗣元鼎元年坐揜搏奪公主馬髡為城旦元康四年極忠玄孫之

子郎公乘調詔復家元始五年賜極忠代後者做爵關內侯漢書高惠

高后孝文功臣表 案即音忌漢志屬南郡今宜城縣東北五十里即縣故城是也

軟侯利倉 孝惠二年四月封高后三年侯稀嗣孝文十六年侯

彭祖嗣元封元年侯秩坐為東海太守行過不請擅發卒兵為衛

當斬會赦國除 史記惠景間侯者年表 案索隱云漢表作軹侯朱倉然漢表實作軹侯黎朱倉小顏注云軹音大

又音第則索隱軹乃軹之譌惟黎朱倉與利倉姓名小異水經注

江水又東逕軹縣故城南漢惠帝元年封長沙相利倉為侯國城

在山之陽南對五洲是亦作利倉黎利同聲得相通段利倉即黎

倉漢表特衍一朱字耳又案漢書公卿表景帝中五年有軹侯吳

利為奉常而功臣表軹侯不姓吳其子孫亦無名吳利者史記此

表利又似為軹侯之姓而不言姓吳疑莫能明軹即今蘄水縣地

也

山都侯王恬啟 高后四年封八年薨孝文四年侯中黃嗣二十

三年薨孝景四年侯觸龍嗣二十三年薨元狩五年侯當嗣元封

元年坐闌入甘泉上林免 漢書高惠高后孝文功臣表 案方輿紀要山都故城在襄陽府西北八十里

水經注沔南有固城城側沔川即新野山都縣治漢高后四年封

衛將軍王恬啟為侯國言新野者當時屬新野郡後乃改屬襄陽

也恬啟史表作恬開 因避景帝諱改之

平陵侯 蘇建 范明友 蘇建元朔二年封六年坐為前將軍與翁侯信

俱敗獨脫身來歸當斬贖罪免明友元鳳四年封地節四年坐謀

反誅 漢書景武昭宣元成功臣表 案漢平陵縣屬右扶風此表於二平陵國皆云在武當漢武當縣即今之均州也九域志

言武當縣有平陵鎮方輿紀要言平陵廢縣在均州東北隋義寧

二年析武當縣置屬武當郡蘇范所封蓋是地亦鄉侯也表恐與

扶風混故 特著之耳

涉都侯喜 元封元年封太初二年薨 後 漢書景武昭宣元成功臣表 案史記建

元以來侯表喜作嘉水經注沔水又東南逕涉都城東北故鄉名

也漢武帝元封元年封南海守降侯子嘉為侯國其字亦作嘉則

漢表喜乃嘉之譌續漢書郡國志筑陽有涉都鄉蓋

其封地清一統志光化縣西有涉都城亦其遺址也

志十四

輿地十四 藩封

十

富民侯車千秋 征和四年以丞相侯八百戶遺詔益封凡千六

百戶十二年薨元鳳四年侯順嗣本始三年坐為虎牙將軍擊匈

奴詐增虜獲自殺 漢書外戚恩澤侯表 案漢地理郡國二志均無縣名富民者此或特取嘉號如後世虛封之

類然表云國在蘄州則所食邑實江夏之蘄春也車千秋
卽田千秋以朝見得乘小車入宮殿中因號曰車丞相
東漢

郎侯柱 光武族父歙以建武二年立為泗水王歙子終為淄川

王十年歙薨終居喪思慕哭泣二十餘日亦薨封其長子柱為郎

侯以奉終祀後漢書泗水王歙傳 案李賢注郎縣屬南郡故城在今襄州蓋卽前漢功臣黃極忠之舊封也

蔡陽侯平 光武族兄祉以建武二年封城陽王十一年薨十三

年封祉嫡子平為蔡陽侯以奉祉祀後坐與諸王交通國除永平

五年顯宗更封平為竟陵侯平卒子眞嗣眞卒子禹嗣禹卒子嘉

嗣後漢書城陽王祉傳 案清一統志蔡陽故城在今棗陽縣西南

江陵王恭 孝明帝子永平九年賜號靈壽王李賢注取其美名未有國邑也十

五年封鉅鹿王建初三年徙封江陵改南郡為國元和二年三公

上言江陵在京師正南不可以封乃徙為六安王後漢書彭城靖王恭傳

志十四

輿地十四 藩封

十一

鄧侯鄧禹 臧宮 建武元年帝卽位於鄱拜禹為大司徒封鄧侯食邑

萬戶十三年定封為高密侯臧宮於建武二年封成安侯七年更

封期思侯十三年增邑更封鄧侯十五年徵還京師定封朗陵侯

後漢書鄧禹臧宮傳 案鄧本禹封十三年改封高密因以其地封宮蓋鄧國大於期思故謂之增邑高密兼食昌安夷安淳于三縣則又大於鄧也

山都侯馬武 建武元年世祖卽位以武為侍中騎都尉封山都

侯十三年增邑更封郃侯後漢書本傳

竟陵侯劉隆 南陽安眾侯劉崇宗室也建武二年封亢父侯十

三年增邑更封竟陵侯明年坐徵下獄免為庶人後漢書本傳

蘄春侯陳浮 祝阿侯陳俊子建武二十三年俊卒浮嗣爵徙封

蘄春浮卒子專諸嗣專諸卒子篤嗣後漢書陳俊傳

襄陽侯習郁 郁為侍中從光武幸黎邱拜大鴻臚封襄陽侯寰宇

記引襄陽記 案水經注沔水又東南逕邑城北

習襄陽侯之封邑也故曰邑城蓋即當時縣城矣

武當侯鄧棠 西華侯鄧晨少子建武二十五年晨卒棠嗣爵後

徙封武當棠卒子固嗣固卒子國嗣國卒子福嗣永建元年卒無

子國除後漢書 鄧晨傳

筑陽侯吳盱 廣平侯吳漢孫哀侯成次子建武二十年漢卒子

成嗣為奴所殺二十八年分漢邑為三國成子旦為濯陽侯以奉

漢祀旦弟盱為筑陽侯成弟國為新蔡侯後旦卒無子國除仍以

盱奉漢祀建初八年徙封平春侯後漢書 吳漢傳

石城侯王廣 山桑侯王常子建武十二年常薨廣嗣爵三十年

徙封石城永平十四年坐與楚事相連國徐後漢書王常傳 案李賢注石城故城在今復州沔陽縣東南又案更始二年曾封常為鄧王其地亦在今湖北境襄陽府東北二十里有故鄧城方輿紀要言即常之封國也

志十四

輿地十四 藩封

三

軼侯王符 淮陵侯王霸子永平二年霸卒符嗣爵徙封軼符卒

子度嗣度尙顯宗女浚儀長公主為黃門郎卒子歆嗣後漢書王霸傳 案續漢書郡國志江夏郡有軼侯國蓋即指封王符言之

西陵侯陰棠 章帝建初二年封梁王暢舅陰棠為西陵侯後漢書梁節王暢傳 案漢地理郡國二志西陵並屬江夏郡今黃州府東北百里西陵城其舊治也水經注江水又東逕西陵縣故城南漢章帝建初二年封陰棠為侯國其字從士不從木

鄧侯蕭熊 建初七年制詔京兆尹右扶風求蕭何霍光後封何

末孫熊為鄧侯後漢書韋彪傳 案鄧本何之舊封王莽時國絕建武中以其地封鄧禹臧宮厥後禹徙高密宮徙

朗陵故熊又

得紹封也

南新市侯未知侯者何人郡國志江夏郡有南新市侯國案方輿紀要南新市城在京山縣東北百里王莽時王匡兄弟

舉兵於此光武即位置南新市縣屬江夏郡以常山郡

有新市縣故加南以別之其封侯當亦在建武時矣

都侯亦未知侯者何人郡國志南郡有都侯國永平元年復謂復為都縣是封國在永平之先當亦建武時也又案後漢書宦

者列傳有下雋侯陳子宜城侯孫程山都侯楊佗中廬侯孟叔臨沮侯史汎枝江侯李剛華容侯王康朱瑀夷陵侯魏猛下雋即今通城縣地中廬臨沮皆在南漳華容在石首監利之間餘亦均湖北境朱瑀靈帝時封餘均順帝所封者然並刑餘熏子濫邀寵命爵土雖頌實不足當

屏藩之寄故不錄
荆州牧劉表案表封成武縣侯屬兖州濟陰郡本不當錄也然靈於是出焉為益州牧黃琬為豫州牧劉虞為幽州牧州任之重自此始蓋牧伯即古方伯連率之職為諸侯領袖表以漢之宗室牧荆幾二十年據地數千里帶甲十餘萬尤當時藩鎮之大者故附著之

魏

鄧哀王冲 武帝子早卒以宛侯據子琮奉冲後景初元年坐罪

削邑貶爵為侯正始七年轉封平陽公文獻通攷案三國志魏書本傳冲年十三即卒時

建安十三年也黃初二年始追贈諡曰鄧哀侯又加號為公太和五年加號曰鄧哀王琮奉冲後建安二十二年封鄧侯黃初三年進爵徙封冠軍公後又徙己氏公景初元年貶都鄉侯三年復為己氏公正始七年轉徙平陽公是冲之號鄧公鄧王皆因琮為鄧侯而追贈者琮後雖徙封他所而哀王仍係之鄧則鄧宜仍為琮之本國矣

志十四

輿地十四 藩封

十三

章陵王據 武帝子建安時封范陽侯後徙宛黃初二年進爵為

公三年為章陵王旋徙義陽又徙彭城及濟陰五年改封定陶縣

太和六年復封彭城魏志本傳案陳壽言魏氏王公位號靡定大小歲易乃法之弊者據雖號稱彭城然嘗

封章陵義陽章陵即春陵其故城在今東陽縣東魏初置義陽國亦在棗陽晉太康中始以今河南新野縣治為義陽郡則據嘗建藩湖

北矣 賴亭侯幹 亦武帝子建安二十二年封賴亭侯黃初二年進爵

燕公三年為河間王後改樂城鉅鹿太和六年改趙王魏志本傳案賴亭

在今隨州郡國志南陽隨縣注引杜預曰有賴亭是也此雖建安時封然幹武帝子實魏氏親藩故不隸漢而隸魏又案文獻通攷魏之列侯有西陵鄉侯和洽宜城亭侯韓暨封境皆在湖北然裴松之言虛封始於魏袁孝尼言魏之建侯多空名而無實土且鄉亭之地亦不足以當藩國故自宗親以外凡此類者皆屏而弗列後所採輯咸依是例固非有所遺漏也

吳

齊王奮 吳大帝子太元二年立為齊王居武昌吳志本傳案奮立為齊王而

居在武昌名實初不相應蓋偏霸之朝制多違古未可繩以典則然諸葛恪上齊王賸言大行皇帝寢疾之日分遣諸子各早就國誠欲上保宗廟下全諸王使百世相承無凶國害家之悔即指太元二年立故太子和為南陽王使居長沙子休為瑯琊王使居虎林及奮為齊王居武昌言之則武昌實奮之封國而謂之齊者亦猶郡縣之有僑置耳

沙羨侯奐 吳宗室孫靜子以揚武中郎將領江夏太守黃武五年拜揚威將軍封沙羨侯嘉禾三年卒子承嗣赤烏六年卒無子封承庶弟壹奉奐後襲業為將吳志宗室傳

孱陵侯呂蒙 建安二十四年吳定荊州以蒙為南郡太守封孱陵侯蒙卒子霸襲爵霸卒兄琮襲侯琮卒弟睦嗣吳志本傳 案清一統志孱陵故城在今公安縣

當陽侯朱然 黃武二年改封征北將軍永安侯朱然為當陽侯赤烏十二年卒子績嗣吳志本傳

江陵侯陸遜 始封華亭侯後進封婁侯黃武元年加拜輔國將軍領荊州牧改封江陵侯赤烏八年卒次子抗襲爵吳志本傳 案孫吳諸臣多有未封爵而即與以奉邑者如孫皎督夏口賜沙羨雲杜南新市竟陵四縣為奉邑周瑜守南郡以下雋漢昌劉陽州陵為奉邑魯肅代瑜屯陸口亦食上四縣呂蒙取長沙零桂三郡以尋陽陽新二縣為奉邑其時均未為侯夫未侯猶食邑奉則當時凡為侯者得食其國之租稅可知張昭封婁侯食邑萬戶是其例矣且蒙守南郡遜收荊州然時亦鎮江陵封境皆隸宇下與虛封寄地從未之國者有異故並錄之

志十四

輿地十四 藩封

十四

義陽王望 司馬孚子武帝受禪封義陽王邑萬戶給兵二千人泰始七年薨子奕早卒以奕子奇襲爵太康九年貶三縱亭侯更以章武王威為望嗣晉書安平獻王傳 案義陽國在今新野縣其屬地有在湖北者故仍載

隨王整 義陽王子歷南中郎將封清泉侯先望卒武帝以義陽國一縣追封為隨縣王子邁嗣太康九年以義陽之平林益邁為隨郡王同上 案晉平林縣屬義陽郡其故城清一統志言在隨州東北

隨郡王同上 案晉平林縣屬義陽郡其故城清一統志言在隨州東北

竟陵王楙 義陽王子武帝受禪封東平王及懷帝踐祚改封竟

陵王同上

順陽王暢 太康十年徙扶風王暢為順陽王晉書武帝紀 案寰宇記陰城縣圖

經云晉咸寧中封扶風王子暢為順陽王城內有碑以太康為咸寧蓋誤記也順陽王城清一統志言在光化縣西

西陽王羨 汝南王亮子太康末封西陽縣公永平元年進爵為

王元康初進封郡王永興初拜侍中以長沙王又黨廢為庶人惠

帝還洛復羨封又以汝南期思西陵益其國永嘉初復以邾斬春

益之並前三萬五千戶咸和初坐弟南頓王宗降為弋陽縣王蘇

峻作亂羨詣峻稱述其勳大悅矯詔復爵位峻平賜死子並伏誅

國除晉書汝南王傳 案清一統志黃州府三國時魏置弋陽郡後屬吳晉初仍為弋陽郡惠帝分為西陽國其故城在黃岡

縣東蓋即羨所都者

楚土瑋 武帝第五子初封始平王太康末徙封於楚出之國都

志十四

輿地十四 藩封

五

督荊州諸軍事平南將軍轉鎮南將軍永平初徵為衛將軍領北

軍中候以矯制殺太宰汝南王亮菑陽公衛瓘下廷尉斬之永寧

元年追贈驃騎將軍封其子範為襄陽王後為石勒所害晉書本傳

成都王穎 懷帝時蜀亂割南郡之華容州陵監利三縣別立豐

都合四縣置成都郡為成都王穎國居華容縣晉書地理志 案

容縣東北逕成都郡故城南晉永嘉中西蜀阻亂割華容諸城為

成都王穎國清一統志成成都故城在監利縣北是穎雖封蜀而其

國實在楚蓋僑置也然攷晉書本傳及武帝孝惠二紀穎於太康

十年受封成都邑十萬戶永平七年出為平北將軍鎮鄴轉鎮北

大將軍光熙元年為范陽王長史劉輿所害偽詔賜死至懷帝永

嘉時穎已前歿無由更為立國且穎自鎮鄴以後於南本土封始

終未嘗一至而志以為居華容何耶穎傳言永嘉中立東萊王粲

子遵為穎嗣封華容縣王後沒於賊國除據是則居華容者乃遵

而非穎豈當時遵為穎嗣以蜀亂不得之國遂割監利州陵等縣

並築城華容使居之志因此為成都王國歟若然則遵宜仍為

成都王不得降稱為華容縣王此皆疑義之難明者姑志以俟攷

襄陽王尚 尚愍懷太子之子永康元年封襄陽王永寧元年立

為皇太孫太安元年薨諡曰冲太孫

晉書愍懷太子傳

宜都王祥 永寧元年徙南平王祥為宜都王

晉書惠帝本紀案晉書宗室及諸

王列傳惟吳王晏四子有名祥者他無所見然傳但云祥嗣淮南王允拜散騎常侍洛京傾覆為劉聰所害不言受封何國此宜都王或別一人或仍即祥所徙封傳皆弗著亦史家之疎略也

上庸王銓 清河康王子初封上庸王懷帝即位更封豫章二年

立為皇太子洛京傾覆沒於劉聰

晉書清河王遐傳

微陽侯麴 齊王攸子出繼遼東王定國太康初徙封東萊王元

康中為趙王倫所收將誅之以祖納疏諫得免齊王罔輔政增邑

滿二萬戶後謀廢罔事覺免為庶人徙上庸旋封微陽侯永寧初

上庸內史陳鍾承罔旨害之

晉書齊王攸傳案晉上庸微陽二縣皆在今竹山麴蓋貶降為縣侯也

當陽侯杜預 太康元年孫皓平以功進爵當陽縣侯增邑並前

九千六百戶預卒子錫嗣錫卒子乂嗣

晉書本傳

志十四

輿地十四 藩封

六

襄陽侯王濬 太康元年以平吳功封為襄陽縣侯邑萬戶六年

卒子矩嗣

晉書本傳

上庸侯唐彬 泰始初賜爵關內侯後與王濬伐吳事平改封上

庸縣侯食邑六千戶元康四年卒子長嗣

晉書本傳

江夏郡公衛瓘 蘭陵郡公衛瓘孫初襲瓘爵後東海王越以蘭

陵益其國改封江夏郡公邑八千五百戶永嘉五年沒於劉聰

晉書

衛瓘傳

武昌侯 該裴頡次子楊駿誅頡以功當封武昌侯請以封

裴該虞潭

其兄子愷帝竟封該為武昌侯潭於成帝時以討王充功進爵當

陵縣侯蘇峻反亂平以前後功進封武昌縣侯邑一千八百戶潭

卒子伉嗣伉卒子嘯父嗣隆安初坐與王廞謀叛應斬以潭舊勳

贖為庶人

晉書裴頡及潭本傳

武當侯滕修 初仕吳為鎮南將軍廣州牧王師伐吳率眾赴難

至巴邱而孫皓已降乃送印綬詔以為安南將軍封武當侯晉書本傳

山都縣公王愷 魏蘭陵侯王肅子晉文明皇后之弟以討楊駿

勳封山都縣公邑千八百戶晉書外戚傳

竟陵男桓宣 咸康中為平北將軍假節鎮襄陽都督司雍梁三

州荆州之南陽襄陽新野南鄉四郡軍事以前後功封竟陵縣男

晉書本傳 案康帝本紀建元二年八月庚辰持節都督司雍梁

三州諸軍事梁州刺史平北將軍竟陵公桓宣率則宣封爵係竟

陵縣公與本傳言男者異晉封建之制皇子親王以外有公侯伯

子男五等縣公邑千八百戶地方七十五里大國侯邑千六百戶

地方七十里次國侯千四百戶地方六十五里大國伯邑千二百

戶地方六十里次國伯邑千戶地方五十五里大國子邑八百戶

地方五十里次國子邑六百戶地方四十五里男邑四百戶地方

志十四

輿地十四 藩封

州陵縣侯毛寶 咸和初為温嶠平南參軍蘇峻作逆嶠赴難寶

領千人為前鋒上廬江太守賊平封州陵縣開國侯邑千六百戶

庾亮西鎮請為輔國將軍進征虜將軍與西陽太守樊峻守邾城

為北寇張貉等攻陷突圍赴江死詔貶裁予祭後公卿言寶有重

勛加死王事不宜奪爵升平三年乃詔復本封子穆之襲爵穆之

卒子珍嗣晉書本傳 案清一統志晉州陵縣故城在今沔陽州東南

歸鄉公毛璩 毛珍弟孝武時為益州刺史安帝反正進征西將

軍加散騎常侍都督益梁秦涼寧五州軍事義熙中論討桓玄功

追封歸鄉公邑千五百戶又以璩兄毛球孫祐之斬桓玄功封夷

道縣侯晉書本傳 案清一統志晉歸鄉縣故城在今宜都縣西北

宜城伯鄧嶽 咸和初為西陽太守蘇峻反從平南將軍温嶠率

舟師赴難賊平還郡杜默殺劉胤陶侃使嶽討平之錄前後助封

宜城縣伯咸康三年卒子遐嗣

晉書本傳

江陵伯陸曄

陸機從弟元帝鎮江左辟為祭酒預討華軼功封

平望亭侯明帝時以平錢鳳進爵江陵伯咸和初復進爵為公假

歸以疾卒子謙嗣

晉書本傳案本書魏詠之傳亦言追封江陵

玄之功則是義熙時華之國已除故又以封詠之也惟彼係卒後追封故附志之

秭歸男袁耽 光祿勳袁冲子蘇峻之役王導引為參軍使潛說

峻黨路永等歸順峻平封秭歸縣男

晉書袁瓌傳

南平郡公劉毅

元興中仕為州從事桓玄篡位與劉裕何無忌

魏詠之等起義兵討玄安帝反正以匡復功封南平郡開國公後

為荊州刺史居江陵劉裕疑其貳已討之城陷自殺

晉書本傳案清一統志

晉南平郡治在江安即今公安縣也又本書元帝紀言封王敦武昌郡公邑萬戶穆帝紀言封桓溫為南郡公敦之封乃自為之溫亦久懷異志本書並列入叛逆傳則雖封大國未可謂之晉藩劉弘傳云表贈新城郡公晉新城郡治在今房縣為係卒後追贈故

志十四

輿地十四 藩封

六

皆附見案語中餘凡紀傳所載封境之屬於湖北者並條列焉蓋晉制親王皆以郡為國異姓皆以縣為國其五等之封雖大小不侔而皆有土地租戶以為食邑與後世之空名虛寵實無寸壤者異故採之特詳又晉地理志言武帝泰始元年罷五等之制公侯邑萬戶以上為大國五千戶以上為次國不滿五千戶為小國此或專指宗藩言之晉制始封王之支子承封王之支子繼承封王之支子亦以公侯伯子男五等遞封見職官志若異姓則伯子男之封東晉猶多即縣公縣侯非有特恩及強權僭越戶亦罕過二千者其制固未嘗改也

華容公劉道規

劉裕少弟安帝時以起義勳封華容縣公邑三

千戶義熙八年卒追進南郡公邑五千戶無子以兄道憐之子義

慶襲爵

宋書臨川烈武王傳案道規雖劉宋宗室而卒於義熙八年則仍晉臣其公爵亦晉所封劉裕受禪始改臨川王

故不以隸宋而隸晉又本傳言道規從母兄蕭氏舅劉遵為淮南太守義熙十年卒追封監利縣侯食邑七百戶此亦晉臣受封地在湖北境內者附誌於此

宋

江夏王義恭

武帝子元嘉元年封食邑五千戶世祖即位前後

增邑四千戶後為廢帝所害長子朗朗弟叡前為元凶所殺大明二年追封叡為安陸王以第四皇子綏繼封食邑三千戶秦始皇元年改封江夏王食邑五千戶綏未受命與晉安王子勛同逆賜死七年太宗以第八子躋繼義恭為孫封江夏王食邑五千戶齊受禪降為沙陽縣公以謀反誅宋書武三王傳案本傳言義恭子伯禽亦為前廢帝所殺追贈江夏王又有江安侯元諒永陽侯叔子皆義恭子宋江安縣即今之公安永陽即今應山沙陽則今之嘉魚也南郡王義宣武帝子元嘉元年封竟陵王食邑五千戶十年改封南譙王世祖即位又改南郡王食邑萬戶後與臧質同反兵敗伏誅同上

南平王鑠文帝第四子元嘉十六年封後為孝武毒死子敬猷嗣景和末前廢帝殺之太宗即位以臨賀王子產為南平王繼鑠後未拜被殺秦始皇五年復立晉平王休祐子宣曜為南平王繼鑠

志十四

輿地十四 藩封

九

後休祐死宣曜被廢還本後廢帝元徽元年立衡陽王子伯玉為南平王繼鑠後昇明二年謀反誅國除宋書文九王傳

建平王宏文帝第七子元嘉二十一年封食邑二千戶大明二年卒子景素嗣後廢帝元徽四年舉兵攻臺城不克被殺其年冬封長沙王義欣子勰第三子恬為秭歸縣侯食邑千戶繼宏後順

帝昇明二年卒國除同上案宋建平郡轄今歸州興山恩施建始諸縣

竟陵王誕文帝第六子元嘉二十一年封廣陵王二十六年改隨郡王世祖即位又改封竟陵王食邑五千戶後為帝所忌遣兵襲之誕反兵敗死子景粹先為沈慶之捕殺宋書文五王傳

武昌王渾文帝第十子元嘉二十四年封汝陰王邑二千戶後以郡被寇徙封武昌孝武時使有司奏免為庶人復逼令自殺太宗即位追封為武昌縣侯同上

西陽王子尚 孝武帝第二子 孝建三年封食邑二千戶 大明五年改封豫章戶邑如先前廢帝立稱太皇后令賜自盡

宋書孝武十四王傳

案清一統志宋西陽郡治在今黃岡縣

襄陽王子鸞 孝武第八子 大明四年封食邑二千戶 又改新安

前廢帝即位見殺 明帝泰始二年以建平王景素子延年為嗣 追

改子鸞為始平王

同上

隨陽王翽 明帝第十子 元徽四年封南陽王 食邑二千戶 昇明

二年以南陽荒遠改封隨陽 齊受禪降封舞陰縣公 旋賜死

宋書明四

王傳 案清一統志宋隨陽郡創今之隨州

新興王嵩 明帝第十一子 元徽四年封食邑二千戶 齊受禪降

定襄縣公 旋賜死

同上

案宋新興郡有二地理志荆州之新興

領定襄廣牧新豐三縣皆僑置其郡治李氏歷代地理韻編今釋謂在今荆州府江陵縣東三十里梁州之新興領吉陽東關二縣其郡治地理今釋謂在鄖陽府竹谿縣西此未

志十四

輿地十四 藩封

三

知其何屬也又案宋文帝嘗為宜都王明帝嘗為湘東王皆建藩於楚者以其後並為帝故不降列

華容公王弘 晉司徒王珣子 初為高祖諮議參軍 封華容縣五

等侯 永初元年以佐命功進封縣公 食邑二千戶 元嘉九年卒 子

錫嗣 錫卒子僧亮 嗣齊受禪降爵為侯 食邑五百戶

宋書本傳

武昌縣公謝晦 永和元年以佐命功封食邑二千戶 文帝即位

誅徐羨之等 晦反兵敗死

宋書本傳

霄城侯趙倫之 武穆皇后之弟 武帝受禪以佐命功封 元嘉五

年卒 子伯符 嗣傳國 至孫勗 齊受禪國除

宋書本傳 案清一統志宋霄城故城在今天

門縣東字一作宵

臨沮伯張邵 武帝受命以佐命功封 元嘉時為雍州刺史 坐贓

罪免官 削爵土 後為吳興太守 卒 追復爵 巴子敷 毀瘠死 弟東 襲

封 東卒 子式 嗣邵兄子暢 以舉兵討元凶 劭封夷道縣侯

宋書張邵傳

孝昌侯張永 光祿大夫張茂度孫明帝時以破辭索兒功封食

邑千戶後廢帝元徽二年桂陽休範作亂永屯白下以軍潰免官

削爵 宋書張茂度傳 案清一統志 宋孝昌故城在今孝感縣北

枝江侯徐湛之 高祖長女會稽公主子永初三年封食邑五百

戶元嘉末為太子劭所害子聿之謙之亦被殺恆之嗣侯卒無子

聿之子孝嗣紹封齊受禪國除 宋書本傳 案宋宗室封者又有

封者安陸王子綏後改江夏王孝武子江夏王濟明帝子諸臣封

者有吉陽侯沈演之襲父叔任爵吉陽侯謝述吉陽縣男王蘊樂

鄉縣男垣闕竟陵縣侯吳喜長壽縣男黃回並見各本傳案晉宋

之制凡郡有封國者太守為內史縣有封國者改令長為相本

書州郡志司州有隨陽子相承陽男相安陸公相荆州有江陵公

相華容公相當陽男相臨沮伯相編縣男相枝江侯相南平內史

江安侯相孱陵侯相恨山男相巴東公相廣牧男相秭歸侯相歸

鄉公相長寧侯相上黃男相長林男相鄧州有汝南侯相沌陽子

相孝昌侯相惠懷子相沙陽男相潭陽子相蒲圻南相竟陵侯相

新市子相霄城侯相新陽男相雲杜侯相下雋侯相監利侯相州

陵侯相武昌侯相陽新侯相西陵男相孝寧侯相雍州有襄陽公

相山都男相武當侯相平陽子相上洛男相義成侯相安寧男相

皆劉宋時封國之隸今省境者其事實紀傳多未及載故備錄之

永陽在今應山縣北恨山在長陽縣西廣牧今江陵縣地長寧上

黃長林均荆州地汝南僑縣在江夏縣南沌陽在漢陽縣西灑

陽在黃陂縣南惠懷在沔陽州西新市在京山東北新陽即京山

縣治西陵在黃岡西北孝寧在蕪水縣西平陽在均州北上洛亦

湖北境義成在光化西北安寧在襄陽府境並見李氏歷代地理

齊 釋今

安陸王緬 建元元年封安陸侯建武元年贈司徒安陸王子寶

暉嗣永元元年改封湘東王 齊書宗室傳

江夏王鋒 太祖第十二子建元二年封隆昌元年入為侍中加

秘書監高宗殺諸王使鋒兼祠官於太廟夜遣兵收之遂遇害 齊書

高祖十二王傳 案本書明七王傳明帝第三子寶玄建武元年

亦封江夏郡王永元三年崔慧景舉兵事敗寶玄坐黨叛伏誅

南平王銳 太祖第十五子永明元年封後為湘州刺史進號前

將軍延興元年高宗殺諸王見害 同上 案本書明七王傳高宗

第九子寶攸建武元年亦封南

平郡王後改封邵陵中興二年以謀反賜死

宜都王鏗 太祖第十六子永明元年封後為南豫州刺史進號

征虜將軍延興元年見害上同

竟陵王子良 世祖第二子始封聞喜縣公帝即位進封竟陵郡

王邑二千戶隆昌元年薨子昭胄嗣永元時謀舉兵事覺誅齊書武十

七王傳 案李氏地理今釋齊聞喜縣今荊州府松滋縣也

安陸王子敬 世祖第五子初封應城縣公帝即位進封安陸郡

王延興元年高宗除諸藩王遣王玄邈襲殺之上同

隨郡王子隆 世祖第八子初封枝江縣公帝即位進封隨郡王

延興元年高宗謀害諸王與鄱陽王鏘先見殺上同

西陽王子明 子明世祖第十子永明元年封武昌王三年失國

璽改封西陽建武二年高宗誅蕭湛誣與同謀見害子文世祖第

志十四

輿地十四 藩封

三

十七子永明七年封蜀王建武中改西陽永泰元年見殺上同

永陽王子珉 世祖第二十子永明七年封義安王後改永陽明

帝即位令以本國繼衡陽元王為孫永泰元年見害齊書宗室衡陽元王傳

案李氏地理今釋齊義安郡在襄陽縣西永陽見前

南郡王子夏 世祖第二十三子永泰元年誅齊書武十七王傳案世祖諸子此

為最幼其何年受封紀傳皆未之詳又案本書紀傳文惠太子長懋鬱林王昭業皆嘗封南郡王然一為儲君一即帝位均不得謂

之藩國也

聞喜公遙欣 始安貞王次子建武元年封後改曲江永元元年

卒齊書宗室始安貞王附傳

江陵公寶覽 安陸王緬子建武元年封邑千五百戶齊書安陸昭王傳

宵城公寶宏 安陸王緬子建武元年封汝南公邑千五百戶三

年改封宵城永元二年以兄寶暉謀反與寶覽並坐誅同上案本書劉懷

珍傳建元元年懷珍以中宿侯改封

宵城舊食六百戶更增邑二百戶

州陵侯子游 臨川王映第二子永明時封梁初以映長子子晉

謀反坐誅齊書臨川 獻王傳

義成侯張瓌 宋昇明元年太祖令誅劉遐事捷封邑千戶建元

元年增邑二百戶建武末為有司所奏削爵齊書本傳 案地理 今釋齊義成縣在今

穀城縣 東四里襄陽公張敬兒 宋元徽時封襄陽縣侯邑二千戶昇明二年進

爵為公增邑為四千戶太祖即位以秩窮五等仍前封授侍中中

軍將軍永明元年伏誅齊書 本傳

鄂縣子王玄載 宋末沈攸之之難玄謨為建寧太守起義送誠

封鄂縣子建元元年為左民尚書鄂縣子如故永明六年卒齊書 本傳

隨縣子崔文仲 征虜將軍崔祖思宗人建元初封建陽縣子邑

志十四

輿地十四 藩封

三

三百戶後改隨縣子永明四年卒齊書崔 祖思傳

吉陽男蘇烈 仕宋為山陽太守寧朔將軍袁粲起事太祖遣隨

諸將平石頭封吉陽縣男建元中為假節督巴州軍事巴州刺史

巴東太守爵如故齊書蘇侃傳 案地理今釋南齊有兩吉陽縣 一廬陵郡非湖北境一上庸郡今竹溪縣西侃

封或 是也

沌陽侯周盤龍 宋泰始初封晉安縣子邑四百戶昇明二年改

沌陽縣永明三年進爵侯十一年卒子奉叔隆昌時改封曲江縣

男尋為高宗所殺齊書 本傳

應城公王廣之 宋明帝時封安蠻縣子邑三百戶尋改蒲圻後

又改寧都縣子建元元年進爵為侯邑千戶延興中高宗遣征安

陸王子敬事平進封應城縣公邑二千戶建武四年卒齊書本傳 案地理

今釋齊安蠻縣 在黃州府境

巴東侯褚綦 褚淵次子淵封南康郡公卒後長子賁上表稱疾

讓封與綦永明八年改封巴東郡侯明年表讓封還賁子霽詔許

齊書褚淵傳 案本書蕭穎胄傳 和帝時亦封巴東郡公邑三千戶

當陽縣子陳胤叔 泰始初隨太祖東討遂歸身隨從征伐以功

封當陽縣子永明三年卒 齊書戴僧靜傳

監利縣侯曹虎 宋順帝時以預平石頭封羅江縣男建元元年

改封監利縣建武初進爵為侯增邑三百戶東昏即位疑屬舊將

兼利其財見殺 齊書本傳

安陸侯江祐 初為東府諮議參軍高宗即位封安陸縣侯邑千

戶東昏時見殺 齊書本傳

枝江縣公徐孝嗣 延興時以廢立功封縣侯食邑千戶明帝即

位進爵為公增封二千戶永元元年賜藥死 齊書本傳

志十四

輿地十四 藩封

志

武昌縣伯裴叔業 建武二年封邑五百戶永元二年發詔討之

叔業病死子芬之入魏 齊書本傳

沙陽縣男胡松 永泰元年以平王敬則封邑四百戶 齊書王敬則傳

新陽縣男紀僧真 建元元年封邑三百戶永泰時卒 齊書本傳 案李氏

地理今釋南齊竟陵安陸新陽懷化諸郡皆有新陽縣並在湖北 境紀所封未詳何屬又本傳附載有楊法持建元初封州陵縣男

邑三百戶永明 四年坐事削爵

梁

南平王偉 太祖第八子天監元年封建安郡王食邑二千戶十

七年高祖以建安土瘠改封南平郡邑戶如故普通四年增千戶

中大通五年薨世子恪嗣 梁書太祖 五王傳

永陽嗣王伯游 高祖次兄敷之子敷仕宋為廬陵王諮議參軍

建武四年薨高祖即位追封永陽郡王子伯游嗣 梁書本傳

南郡王大連 太宗簡文帝子大寶元年封邑二千戶二年秋為

侯景所害 梁書太宗十一王傳

安陸王大春 太宗子大寶元年封邑二千戶二年秋遇害 同上案

本書宗室傳始興王憺少子 暉初封安陸侯後改上黃也

新興王大壯 太宗子大寶元年封邑二千戶二年秋遇害 同上

西陽王大鈞 太宗子大寶元年封邑二千戶二年秋遇害 同上

武寧王大威 太宗子大寶元年封邑二千戶二年秋遇害 同上案

清一統志梁武寧郡治在今荆門州又案簡文諸子有江夏王大欵宜都王大封大寶元年同奔江陵元帝承制封大欵臨川王大封汝南王後魏剋江陵並遇害又尋陽王大心初封當陽縣公

汝南侯堅 邵陵王綸長子大同元年封邑五百戶太清三年侯

景陷京城遇害 梁書邵陵王傳 案梁制王國皆封郡侯國皆封縣此汝南蓋縣之隸於郢州江夏郡者其故城

在今江夏縣西南見清一統志

志十四

輿地十四 藩封

五

永安侯確 邵陵王次子大同二年封邑五百戶太清三年增封

二千戶後為侯景所害 同上案齊書州郡志荆州河東郡有永安縣李氏地理今釋謂即荆州府松滋縣

地又本書王份附傳份之孫錫天監初亦封永安縣侯疑並荆之永安也

當陽侯鄧元起 天監初封邑一千二百戶二年論平蜀勳增封

並有二千戶後為右衛將軍魏人入寇都督征討諸軍坐逗留收

付州獄自縊死有司奏削爵土詔減邑之半更封松滋侯邑千戶

子鏗嗣 梁書本傳

廣牧伯庾域 天監初封縣子後為巴西梓潼二郡太守魏寇巴

西固守百餘日虜退詔增封二百戶進爵為伯 梁書本傳

竟陵侯曹景宗 初封湘西縣侯天監元年改封竟陵縣侯卒子

皎嗣 梁書本傳

雲杜侯柳慶遠 天監初封重安侯改封雲杜侯卒子津襲封 梁書

本傳 案雲杜地理今釋云今沔陽州西北

州陵伯柳忱 侍中柳惔弟高祖踐阼論建義功封邑七百戶天

監十年卒子範嗣

梁書柳惔附傳

霄城侯范雲 高祖受禪以佐命功封邑千戶天監二年卒子孝

才嗣

梁書本傳

臨沮伯江淹 天監元年封邑四百戶後改醴陵侯四年卒子蔦

嗣為長城令以罪削爵

梁書本傳

江安侯張稷 高祖受禪以功封邑千戶天監十一年為鎮北將

軍青冀二州刺史駐鬱州會州人徐道角等通魏寇夜襲州城為

所害有司奏削爵土

梁書本傳

灑陽侯王珍國 天監初封邑千戶五年改宜陽邑戶如前九年

卒子僧度嗣

梁書本傳

志十四

輿地十四 藩封

三

夷陵侯裴邃 天監五年封縣子邑三百戶普通中大舉北伐邃

督師卒於軍進爵為侯增邑七百戶子之禮襲封

梁書本傳

保城侯夏侯夔 大通三年封邑一千五百戶大同四年卒子讓

嗣

梁書本傳 案齊書州郡志豫州齊昌郡領保城縣齊昌郡治在今蘄州則保城亦在黃州府境

沌陽公元景隆 始安郡公元法僧子普通中隨法僧入朝封縣

公邑千戶太清元年卒

梁書元法僧傳

枝江公

元景仲杜則

景仲亦法僧子普通中封邑千戶大通三年增

並前二千戶後侯景作亂欲舉兵為應眾散自縊死杜則太清二

年歸世祖封枝江縣侯邑千戶後隨王僧辯東討進爵為公增邑

梁書元法僧及則本傳

五百戶侯景平復增邑千戶承聖二年卒

永寧公王僧辯 大寶二年世祖承制封長寧縣公侯景平改封

永寧郡公邑五千戶後與陳霸先定議立敬帝又迎貞陽侯蕭淵

明於齊霸先襲殺之梁書本傳 案清一統志荆門州齊梁皆置永寧郡長寧即所領縣其故城在今州境西北

新市侯胡僧祐 大寶二年世祖承制封承聖三年西魏寇至都

督城東諸軍事中流矢死梁書本傳 案宋齊州郡二志新市縣皆隸竟陵郡其故城方輿紀要謂在京

山縣東北百里

夷道侯樊毅 承聖初以討陸納功封夷道縣伯尋除天門太守

進爵為侯南史本傳 案夷道今宜都縣西北案梁世尚有安陸縣侯李慶緒天監年封漢陽縣侯胡穎江陵縣侯杜岸

前之兄並承聖年封見各本傳又李遷哲襲父元直爵沌陽縣侯後降于周事見北史

陳

江夏王伯義 世祖第九子天嘉六年立太建初為宣惠將軍置

佐史禎明三年陳亡隨後主入關遷瓜州道卒陳書世祖九王傳

宜都王叔明 高宗第六子太建五年立授宣惠將軍置佐史陳

志十四

輿地十四 藩封

七

亡入隋大業中為鴻臚少卿陳書高宗二十九王傳

義陽王叔達 高宗第十七子太建十四年立拜仁武將軍置佐

史禎明元年除丹陽尹陳亡入隋為內史至絳郡通守同上 案寰宇記云

魏文帝分南陽立義陽郡居安昌城安昌在今棗陽縣東即東漢章陵縣也又本書黃法蕘傳太建五年大舉北伐法蕘以功改封義陽郡公邑二千戶其年又增五百戶八年法蕘薨子玩嗣蓋當時封國皆以戶數相差故有一郡而置二國者即縣亦然文獻通攷言其制蓋自魏晉始也

巴山王叔雄

高宗第十八子太建十四年立陳亡入隋卒長安

同上 案寰宇記言巴山廢縣在長陽縣南七十里隋開皇五年置以有山似巴字為名方輿紀要說略同然陳已封國則置縣非始於隋本書黃法蕘傳言梁元帝承制封巴山縣子邑三百戶承聖三年進爵為侯邑五百戶是梁已有此縣矣又當時王子皆封郡則陳時巴山已為郡至隋始改縣耳

武昌王叔虞 高宗第十九子太建十四年立尋為壯武將軍置

佐史陳亡入隋後為高苑令同上 案本書周吳傳吳初封西陵縣侯太建八年改封武昌郡公子法

僧嗣是亦一郡並封二人也

西陽王叔穆 高宗第二十三子至德元年立陳亡入隋卒長安

同上

新興王叔純 高宗第二十八子至德元年立陳亡入隋後為河

北令同上

南平王崑 後主第二子至德元年立尋除信武將軍置佐史禎

明三年陳亡入隋卒長安 陳書後主十一子傳 案本書吳明徹

增邑並前二千五百戶後又增邑並前三千五百戶及呂梁之敗明徹為周所執憂憤疾卒至德元年詔追封為邵陵縣侯以其息惠覺嗣據是則明徹南平之國已前除故得更以封崑也

江安伯周碧 侍中周寶安子太建中以平定淮南封邑四百戶

九年卒 陳書周寶安傳

沌陽侯周鐵虎 梁承聖二年由沌陽縣子進爵為侯增邑並前

志十四

輿地十四 藩封

三

五百戶高祖受禪與周文育西征王琳被執不屈死詔加封一千

戶子瑜嗣 陳書本傳

北魏

建寧王崇 太宗子泰常七年封拜輔國將軍高宗時崇子麗與

京兆王杜元寶謀逆父子俱賜死 魏書元明六王傳 案本書地

方輿紀要沙州治在今麻城縣北九十里之白沙關建寧故城亦在縣西南也

宜都王目辰 桓帝之後高宗時封南平公高祖即位進封宜都

王除雍州刺史後有罪伏法爵除 魏書神元平諸帝子孫傳

襄陽侯乙斤 松滋侯元度子顯祖時錫爵襄陽侯拜外都大官

卒子平仍襲世爵松滋侯 同上 案本書地形志諸州郡縣無名

封其實不及湖北境土也諸志誤仍往往混載今為摭錄數條而辨之餘見於史傳者尚多

吉陽男比干 太祖族弟以討白澗丁零有功賜爵後為南道都

襄陽公千蘭李端

蘭燕國公于謹子位上儀同以謹勛賜爵端河西

郡公李賢子從高祖平齊於鄴城戰歿追封

周書于謹及李賢傳

楚國公趙貴

貴西魏時累封至南陽郡公周孝閔帝踐阼進

楚國公邑萬戶後與獨孤信謀殺宇文護為人所告被誅寧西魏

時累封至武陽郡公周明帝武成元年進楚國公邑萬戶別食鹽

亭縣一千戶保定五年薨嗣子勣襲爵

周書本傳案言楚國無從定其實土始錄存之

隨國公楊忠

西魏時累封至陳留郡公武成元年進隨國公邑

萬戶別食竟陵縣一千戶天和三年薨子堅嗣

周書本傳

竟陵公楊惠

楊忠弟大象末位大宗伯封縣公

周書楊忠傳

武當公史威

安政郡公史寧子以父勛賜爵為縣公

周書史寧傳

上庸公陸騰

魏恭帝三年賜爵上庸縣公邑二千戶周天和六

年進封郡公增邑通前三千五百戶宣政元年薨子玄嗣

周書本傳案

志十四

輿地十四 藩封

三

本書王雄傳言雄於武成初封庸國公邑萬戶當亦即上庸郡地蓋本春秋時之庸國故不妨仍其舊名也

鄂國公王傑

本封張掖郡公前後增邑通三千六百戶大象元

年追贈鄂國公子孝僊嗣

周書本傳

鄖國公韋孝寬

西魏時累封至建忠郡公周天和五年進爵鄖

國公增邑通前一萬戶大象元年薨子謙嗣

周書本傳

廣昌公王士良

北齊豫州刺史保定四年降於周賜爵廣昌郡

公隋開皇元年卒

周書本傳案清一統志今棗陽縣南齊置廣昌郡屬寧蠻府後魏屬南荊州西魏屬昌州周

置廣昌縣移昌州來治又以為郡治士良所封宜即此又本書元

錄焉

義陽郡公皇甫績

宣政初以功封義陽縣男後進封義陽郡公

北史本傳

梁王蕭譽

梁昭明太子第三子大通三年封岳陽王中大同三

年除持節都督雍梁益秦郢司等州諸軍事領雍州刺史後與江陵構隙魏大統十五年遣使稱藩請為附庸時周太祖秉政令丞相府東閣祭酒榮權報命十六年策封為梁王恭帝元年太祖令于謹平江陵立營為梁王使居江陵東城資以一州之地營乃稱帝於國年號大定官方制度並如王者惟上疏稱臣奉朝廷正朔保正二年薨子歸嗣位二十三載隋開皇五年薨子琮嗣琮之二年徵入朝於是廢梁國封琮為莒國公自營即位至是凡三十三歲周書蕭管傳案管雖稱帝為後梁實受封北朝為魏周屬國故列入藩封以隸明魏然魏書不為蕭管立傳而周書列之且當時命使策封皆周太祖為之主則謂為周之藩屬實宜茲故移之隋

竟陵公坦 高祖母弟滕王瓚次子開皇時封大業初其兄綸以事奪爵黜為民坦亦徙長沙國除隋書滕穆王瓚附傳案滕穆王於周世以太祖軍功亦封竟

志十四

輿地十四 藩封

三

陵郡公高祖受禪始進爵滕王

長寧王儼 廢太子勇長子六歲封本郡王及勇敗亦坐廢黜後

復為煬帝所鳩隋書文四子傳案本書地理志無長寧郡惟南長林縣注云舊曰長寧開皇十八年改曰長林清

一統志云長林故城在荊門州西北晉安帝時僑立長寧郡宋明帝改為永寧領永寧縣是長寧舊本為郡故儼得以為王國其封在末改縣名以前故不曰長林而仍謂之長寧也又案太子勇於高祖未受禪時亦封長寧郡公後煬帝以偽勅賜死乃追封房陵王其事並見本傳

楚國公豆盧勣 勣於周天和時即累封至楚國公高祖即位進

上柱國爵如故七年更詔食臨津縣邑一千戶開皇十年卒子心

嗣素於開皇四年進爵郢國公旋改越國大業元年又改封楚國

真食二千五百戶其年卒子玄感嗣後以叛誅死國除隋書各明傳

房公蘇威 開皇初襲封邳國公邑三千戶後以事黜免大業時

賜爵房陵縣侯其年進封房公久之為御史大夫裴蘊所劾除名

為民隋書本傳

上庸公韋世康 仕周封漢安縣公開皇中進爵上庸郡公加邑

至二千五百戶十七年卒子福子嗣隋書本傳

襄陽公韋洸 世康弟仕周封衛國縣公高祖為丞相命討尉遲

迴以功進爵襄陽郡公增邑至二千戶開皇中為廣州總管卒於

兵子協嗣隋書本傳

上明公楊文紀 楊素從父初封汾陰縣公坐事除名後數歲復

爵改上明郡仁壽三年卒隋書楊素附傳 案本書地理志上明

年改名別無所謂上明郡者其廢縣清一統志言

在今隨州西北疑文紀所封乃縣公非郡公也

蕲春郡公達奚長儒 高祖受禪封邑二千五百戶後歷夏襄蘭

荆諸州總管卒於官子嵩嗣隋書本傳

齊安郡公李徹 周時封蔡陽縣公邑千戶高祖受禪進本爵後

又改安道德廣城陽諸郡開皇末因事為帝所疎忌遇煬卒隋書本傳

案蔡陽縣即今棗陽本書高祖紀有蔡陽縣公姚辯未立傳莫詳封於何時也

漢南縣公柳詒 仁壽初為東宮學士煬帝嗣位以舊僚恩倖封

後從幸揚州病卒隋書本傳 案本書地理志漢南屬襄陽郡清一統志謂即今宜城縣也

武當縣公史威 陽城郡公史祥弟官武賁郎將受封始末未詳

隋書史祥傳

穀城郡公吐萬緒 高祖受禪封邑二千五百戶大業中以討劉

元進違詔除名為民隋書本傳 案歷代地志穀城無郡名隋志

是緒所封因其地舊嘗襄陽郡穀城舊曰義成置義成郡後周廢則置郡故得列為郡公也

甌山縣公宇文愷 開皇初以營宗廟功封邑千戶大業末卒隋書

本傳 案隋志甌山屬沔陽郡後周置即今之漢川縣也

率道縣伯柳儉 仕周為畿伯大夫高祖受禪賜本爵後拜邛州

刺史坐與蜀王秀交通免職隋書本傳 襄陽郡清一統志故城在今宜城縣北

唐

江夏郡王道宗 高祖從父畢王璋之孫始封任城王貞觀三年

徙王江夏授鄂州刺史久之坐貪贓免官削封戶以王就第旋起

為茂州總管歷晉州刺史遷禮部尚書改太常卿永徽初為長孫

無忌褚遂良誣陷流象州道卒無忌等敗詔復爵子景恒別封盧

國公唐書宗室傳 案本書高祖諸子傳 巢刺王元吉子承裕亦封江夏郡王

永安王孝基 畢王璋次子武德初封後討呂崇茂為賊所害無

子以兄子道立嗣同上 案永安郡即今黃州府本書地理志云 黃州齊安郡本永安郡天寶元年更名是武德

初仍名永安郡也

漢陽郡王瓌 高祖從父始為郡公進王貞觀時例降為公坐杖

志十四

輿地十四 藩封

三

長史免後起為宜州刺史散騎常侍薨同上 案本書地理志漢 陽縣屬鄂州江夏郡注云

本沔州漢陽郡武德四年以沔陽郡之漢陽漢州二縣置寶曆二 年州廢二縣來屬是唐初漢陽本為郡故得以此之封瓌又唐志云

成州同谷郡本漢陽郡天寶元年更名則當時有 二漢陽郡瓌所封究不知誰屬姑志於此以俟攷

楚王智雲 高祖子武德元年追王三年以太宗子寬嗣王早薨

國除貞觀二年復以濟南公世都子靈龜嗣王薨子福嗣降為公

卒子承况嗣神龍中同節愍太子死於難唐書高祖諸子傳 案 太宗諸子傳庶人祐亦

嘗進王楚又紀王慎子叡封楚國公十 一宗諸子傳頴王璵子倪亦封楚國公

荆王元景 高祖子始王趙貞觀十年徙封荆為荊州都督永徽

初賜實封千五百戶房遺愛謀反坐子則與往還繫獄賜死神龍

初復王爵以孫元逃嗣薨無子國除同上 案本傳彭王元則初 亦王荆十一宗諸子傳延王

玠子偃封荆國公代 宗之子選追封荆王

隋王隆悌 睿宗子始王汝南早薨追王隋爵不傳唐書三宗諸 子傳 案十

一宗諸子傳代
宗子迅亦王隋

郢王瑛 玄宗子始王眞定先天元年進王郢開元三年立爲皇

太子二十五年爲惠妃所譖廢庶人尋遇害唐書十一宗諸子傳案本傳懿宗子威王

備始亦王郢三宗諸子傳嗣澤王珍後降爲郢國公

鄂王瑤 玄宗子開元二年封二十三年授開府儀同三司實封

二千戶二十五年坐與太子瑛同惡被誅同土案本傳宣宗子潤大中五年亦封鄂王

宜都郡王僑 棣王琰子琰以事囚鷹狗坊憂死子五十五人得

王者四僑其一也同上案本書太宗諸子傳濮王泰始亦封宜都王後徙衛徙越又改王魏後以事被幽改王

順陽居均州之鄖鄉貞觀二十一年進王濮

齊安郡王佻 豐王珙子廣德元年珙以罪賜死佻封當在前同上

襄王儼 肅宗子至德二年封貞元七年薨子宣案皆別封郡王

同上案本傳敬宗子執中亦封襄王太宗諸子傳紀王慎子秀爲襄陽郡公

志十四

輿地十四 藩封

書

均王緯 順宗子初王洋川貞元二十一年進封均開成二年薨

同上案均卽均州唐制諸親藩封國者則稱國如前所錄楚王楚國公之類是也封州者則稱州如前之荆王隋王郢王鄂王襄王後所列之蘄王沔王安王是也其他江夏永安宜都齊安安陸之屬則並封郡者故咸稱郡又本傳代宗子暹卒後亦追王均

蘄王緝 順宗子咸通二年封八年薨同上

沔王恂 憲宗子長慶元年封子瀛別封郡王同上

安王溶 穆宗子長慶元年封後爲仇士良所殺同上案安卽安州高祖諸子

傳隱太子建咸子承道灃王暉子源皆封安陸郡王本書宗室世系表尚有襄陽郡王琮楚國公野郢國公謙西陽郡公仁裕江陵郡公瑾也又案唐宋宗室及異姓凡受封者皆虛號而無實土且並不食其邑租卽爵亦非世襲故往往有一地而前後數人同封者已至六封建遺意馬氏通攷於異姓者屏之而僅列宗室諸王以其爲親藩且以存一代之制耳茲編亦仿是例

五代

安王友寧 梁太祖兄朗王全存子卽位前卒開平初有司請追

封舊五代史梁宗室傳案安卽安州又太祖子友珪封郢王友貞封均王均卽今均州皆湖北地而郢王以弑逆見討自殺追

廢為庶人均王卽末帝故皆弗列

房陵侯友能 梁太祖兄廣王全昱子開平元年封惠王貞明四

年以陳州反犯京師兵敗降末帝赦之降為房陵侯新五代史梁家人傳案

本書末帝紀友能反在龍德元年

楚王重信 晉高祖子天福二年范延光張從賓反重信見殺七

年追封沂王出帝嗣位改封楚新五代史晉家人傳

靳王熙誨 周世宗子顯德六年封周亡不知所終新五代史周家人傳

宋

楚王德芳 太祖子太平興國六年薨贈中書令岐王後加贈太

師改封楚孫從古曾孫世恩皆降爵為楚國公宋史宗室傳案本傳太宗子元佐

元偁英宗子顯神宗子似皆嘗封楚王又燕王德昭孫守異從信亦並封楚國公

荆王元儼 太宗子始封曹國公明道初改王荆慶曆四年薨徽

志十四

輿地十四 藩封

三

宗時又改封周王同上案仁宗子曦徽宗子楫卒後皆封荆王並見本傳

江夏郡王宗惠 楚王元佐孫始封魏國公以旁支黜後為武昌

軍節度觀察留後封江夏郡王卒贈郟王同上案濮王孫仲爰亦封江夏郡王燕王德昭子惟忠封江夏縣侯並見本傳

昭子惟忠封江夏縣侯並見本傳

襄陽郡王允良 荆王元儼子歷五節度領寧海平江兩軍封華

原郡王旋改襄陽同上案德昭孫從誨封襄陽侯濮王子宗愈封襄王亦並見本傳

鄭國公德鈞 秦王廷美子保平軍節度使封鄭國公宋史宗室世系表

案世系表宗室封者襄王一一人楚國公三人房國公十四人漢東郡公六人房陵郡公五人襄陽侯七人漢東侯四人富水侯五人安陸侯五人房陵侯一人武當侯四人其一承壽沔陽侯一人景陵侯一人名不悉載

武當侯承壽 高密郡王德恭子秦王廷美孫為終南作坊使封

武當侯同上案本傳凡宗室封郡者爵皆為王公此當為縣侯宋均州武當郡本領武當縣也

元

楚王牙忽都 睿宗子撥綽大王孫大德十一年由鎮遠王進封

至大二年薨子脫列帖木兒嗣延祐二年被黜天曆元年復故封

脫列帖木兒薨子八都兒嗣元史宗室世系及諸王表

荆王脫脫木兒 睿宗子歲都哥孫封年未詳薨子也速不堅嗣

也速不堅薨子脫火赤嗣同上

威順王寬徹普化 世祖之孫鎮南王脫歡子泰定三年封鎮武

昌賜金印設王傳官屬湖廣行省供億錢糧衣裝歲支米三萬石

銀三萬二千錠至元五年召赴京貶之後明其無辜命復還鎮至

正十二年徐壽輝陷武昌寬徹普化棄城走詔奪其印十三年武

昌克復仍還鎮十六年進討徐壽輝復為所敗走陝西後歿於城

州元史本傳案威順非楚地而實開藩武昌故錄之

明

志十四

輿地十四 藩封

三

楚王楨 太祖庶六子洪武三年封十四年就藩武昌府永樂二

十二年薨子莊王孟烷嗣正統四年薨子憲王季琨嗣八年薨弟

康王季淑嗣天順六年薨再從子靖王均鉞嗣正德五年薨子端

王榮滅嗣嘉靖十三年薨子愍王顯榕嗣二十四年為世子英耀

所弒英耀逮入京伏誅以顯榕次子恭王英煥嗣隆慶五年薨子

華奎嗣崇禎十六年獻賊陷武昌被執沈於江明史諸王傳及世表

壽昌王孟焯 昭王嫡四子建文元年封正統五年薨諡安僖子

靖和王季埈襲弘治十五年薨子莊穆王均鐵襲正德五年薨無

子除明史諸王世表案舊武昌縣宋嘉定時升為壽昌軍見清一統志

崇陽王孟煒 昭王庶五子永樂二年封薨子莊僖王季堞嗣薨

子端懿王均鐵嗣薨子端隱王榮灑嗣薨子顯休嗣坐事奪爵子

英燄降封鎮國將軍

雍正湖廣通志案明史諸王世表孟煒所封乃崇陽王此云崇陽未知孰是考昭王諸

子分地多在武昌府屬疑世表誤也

通山王孟燾 昭王庶六子永樂二年封正統九年薨諡靖恭子

莊簡王李垺襲成化六年薨子均鍊前卒以鍊子温定王榮濠襲

正德十一年薨子端穆王顯樞襲嘉靖十八年薨子莊懿王英炊

襲萬曆元年薨子華垣前卒以垣庶子蘊鉉襲封薨子盛漢襲薨

子容柄襲明史諸王世表

通城王孟燦 昭王第七子永樂二年封薨諡莊靖子榮順王季

埽嗣薨子僖穆王均鑄嗣薨子温惠王榮渡嗣薨子懷簡王顯柜

嗣薨子英焮嗣雍正湖廣通志案明史世表無通城王

景陵王孟焯 昭王庶八子永樂二年封正統十二年薨諡順靖

無子除明史諸王世表

江夏王孟炬 昭王庶十子宣德三年封成化十年薨諡康靖子

志十四

輿地十四 藩封

七

悼順王季鑿襲本年薨子安惠王均鉞襲弘治十三年薨子端僖

王榮漠襲十六年薨子莊定王顯桔襲萬曆中薨子恭懿王英煥

襲十七年薨子華垣襲薨子蘊鉉襲同上

大治王季塤 莊王孟烷庶四子正統九年封景泰元年薨諡悼

僖無子除同上

保康王顯樟 端王榮滅庶二子嘉靖六年封十年薨諡榮康無

子除同上

漢陽王蘊鑰 闕庶一子萬曆二十四年封同上案表闕一字

成引舊志云漢陽王蘊鑰楚王華奎子崇禎初封後襲世子位張獻忠陷武昌被害封年與史不同疑史有誤又憲宗子衡王祐樞其庶子厚禎嘉靖時亦別封漢陽傳子載塵以無後國除見本表憲宗十四子系中蓋載塵萬曆十一年卒其國已除故又以之封蘊鑰也又本表有永安懿簡王孟炯乃昭王庶二子建文元年封自其子季塾以下傳襲凡九代攷歷史地志郡縣名永安者甚夥惟昭王諸子分封多在武昌屬邑如前壽昌以下皆是孟炯所封疑為今之咸寧縣方輿紀要咸寧縣本唐永安鎮南唐保大十三

年升為縣宋景德四年改今名封號仍用
舊稱亦猶武昌之名為壽昌耳因附志之

湘獻王柏 太祖第十二子洪武十一年封十八年就藩荊州建

文初有告柏反者帝遣使即訊懼無以自明闔宮焚死諡曰戾無

子封除永樂初改諡明史太祖
獻諸子傳

遼簡王植 太祖第十五子洪武十一年封衛十六年改封遼就

藩廣寧永樂二年遷荊州府案遷荆事明史本傳言在建文時此
從世表廖道南楚紀亦云成祖登極

植以遼荒遠故請荊州從之詔仍舊號永樂二年之國二十二年薨世子貴煥先卒次子長

陽王貴烜嗣正統四年以罪降庶人弟肅王貴燄嗣成化七年薨

子靖王豪盛嗣十四年薨子惠王恩鑑嗣弘治八年薨子恭王寵

浚嗣正德十六年薨子莊王致格嗣嘉靖十六年薨子憲燊嗣隆

慶二年以罪降庶人錮高墻國除明史諸王
傳及世表

長陽王豪燊 貴烜嫡一子貴烜本封長陽後嗣遼王爵成化十

志十四

輿地十四 藩封

三

年豪燊以輔國將軍襲貴烜本封正德五年薨諡昭和子安靖王

恩鈞襲嘉靖二十年薨子恭裕王寵游襲隆慶二年薨子致楹前

卒以楹子憲煥襲薨子術雅襲明史諸
王世表

遠安王貴燮 簡王庶三子建文元年封洪熙元年以罪降庶人

除上同

巴東王貴煊 簡王庶五子建文二年封洪熙元年以罪降庶人

除上同

潛江王貴焯 簡王庶六子永樂二年封尋薨無子除上同

宜都王貴燿 簡王庶七子永樂二年封尋薨無子除上同

松滋王貴炳 簡王庶八子永樂二年封正統七年薨諡安惠子

靖簡王豪堙襲弘治十一年薨子榮和王恩鈞襲嘉靖元年薨子

昭憲王寵洌襲二十五年薨子恭肅王致棟襲萬曆六年薨子莊

懿王憲燿襲二十四年薨子術經襲同

應山王貴燿 簡王庶十三子宣德七年封正統十一年薨諡悼

恭子端順王豪環襲弘治二年薨子和僖王恩錙襲八年薨無子

除上同

宜城王貴燿 簡王庶十五子宣德七年封成化十一年薨諡康

簡子榮僖王豪珍襲弘治十一年薨子懷靖王恩銑襲正德十三

年薨子懿定王寵濱襲嘉靖十五年薨子榮昭王致根襲二十九

年薨無子除同

枝江王貴熠 簡王庶十六子宣德七年封景泰四年薨諡莊惠

子靖僖王豪壁襲天順六年薨子溫穆王恩錢襲弘治七年薨子

悼懷王寵潤襲正統十六年薨子端懿王致樺襲嘉靖四十四年

薨無子除同

志十四

輿地十四 藩封

三

蘄水王貴燾 簡王庶二十子正統二年封成化四年薨諡靖和

子安穆王豪桂襲弘治十二年薨子康順王恩鉅襲嘉靖九年薨

子僖簡王寵澍襲十五年薨子端懿王致楹襲萬曆七年薨子榮

順王憲煜襲三十一年薨子術輕襲同上案靖王子有肅寧王

恭王子有廣元王致樞此三縣均不在湖北所謂寄封也以並遼裔故附載之

鄧靖王棟 太祖第二十四子洪武二十四年封永樂六年之藩

安陸十二年薨無子除明史太祖諸子傳

襄憲王瞻墻 仁宗第五子永樂二十二年封宣德四年就藩長

沙正統元年徙襄陽成化十四年薨子定王祁鏞嗣弘治元年薨

子簡王見淑嗣三年薨子懷王祐材嗣十七年薨弟康王祐檟嗣

嘉靖二十九年薨無子以從姪莊王厚頰嗣四十五年薨子靖王

載堯嗣萬曆二十三年薨子翊銘嗣崇禎十四年張獻忠陷襄陽

遇害十七年以其子常澄嗣襄王寄居九江後徙汀州不知所終

明史仁宗諸子傳

棗陽王祁鉅 憲王庶三子正統八年封成化十二年薨諡安穆

子僖順王見沔襲弘治六年薨子榮肅王祐樾襲嘉靖四年革爵

為庶人十八年復三十四年薨子恭靖王厚燭襲萬曆二十一年

薨子載墀前卒以墀子翊錡襲二十九年未婚薨除

明史諸王世表

鄭城王載璫 襄憲王玄孫莊王厚頰庶二子嘉靖四十四年封

隆慶王隆慶三年以同朝廷年號改封薨子翊鈴天啟六年襲

案方輿紀要云鄭城春秋時鄭子國楚滅鄭封鬬辛為鄭公邑于此梁武帝攻魯山謂鄭城竟陵之粟方舟而下鄭城即安陸之別名今德安府城是也

載璫所封蓋在其地

荆憲王瞻垌 仁宗第六子永樂二十二年封宣德四年就藩建

昌正統十年徙蘄州景泰四年薨子靖王祈鎬嗣天順五年薨子

志十四

輿地十四 藩封

四

見瀟嗣弘治五年坐不法並其子祐柄俱降為庶人七年以姪和

王祐欄嗣十七年薨子端王厚烜嗣嘉靖三十二年薨子載榼前

卒以榼子恭王翊鉅嗣慶隆四年薨世子常冷以罪降庶人弟敬

王常清萬曆三年嗣四年薨無子弟康王常盜嗣二十五年薨子

由懋嗣天啟二年薨子慈煙嗣崇禎十六年張獻忠陷蘄州慈煙

先一月薨

明史仁宗諸子傳及世表 案荆之支裔有都昌郡王祁鑑憲王子樊山郡王見潯靖王子永新郡王厚燭和

王子又富順郡王厚焜 蘄王子並傳子及孫也

梁莊王瞻垌 仁宗第九子永樂十二年封宣德四年就藩安陸

故郢邸也正統六年薨無子封除

同上

興獻王祐杭 憲宗第四子成化二十三年封興王弘治四年建

邸德安已改安陸七年之藩正德十四年薨後以子嗣大統追尊

獻皇帝廟號睿宗

明史睿宗獻皇帝傳及世表

岐惠王祐楡 憲宗第五子成化二十三年封弘治八年之藩德

安十四年薨無子封除明史憲宗諸子傳及世表

壽定王祐楮 憲宗第九子弘治四年封十一年就藩保寧正德

元年以岐王世絕改就岐邸於德安嘉靖二十四年薨無子封除

同上

景恭王載圳 世宗第四子嘉靖十八年封四十年之國德安居

四年薨無子封除明史世宗諸子傳及世表

惠王常潤 神宗第六子萬曆二十九年封天啟七年之藩荆川

府崇禎末奔廣州清順治三年廣東平被執死明史神宗諸子傳及世表

應城王睦桎 周定王玄孫悼王安滿庶四子正德六年封嘉靖

三十九年薨諡恭穆子端康王勤燦四十一年襲薨子温惠王朝

均萬曆十七年襲十八年薨子在錠二十一年襲薨子肅潛襲明史

志十四

輿地十四 藩封

四

諸王世表

京山王勤炫 周定王五世孫恭王睦樞嫡三子正德十二年封

嘉靖四十五年薨諡温惠子朝壁前卒隆慶六年以壁庶子昭憲

王在銖襲萬曆三十五年薨子肅沛三十八年襲薨子恭樸襲同上

沙陽王膺鈔 岷莊王孫順王音堃嫡五子成化十三年封正德

十二年薨諡端靖子彥淵十四年襲十六年薨無子除同上 案沙陽即嘉

魚縣地其故城在今縣北見清一統志及方輿紀要

唐年王膺錄 順王音堃庶六子成化十三年封嘉靖十八年薨

諡恭裕子彥潤二十二年襲四十年薨子譽樂嗣隆慶元年卒無

子除同上 案唐年即崇陽縣地其故城清一統志言在今縣西四十里方輿紀要云在縣東二里縣志謂在縣西桃溪橋東

漢川王譽榛 岷莊王玄孫靖王彥法嫡五子嘉靖元年封萬曆

七年薨諡康定子定焯十九年襲無子除同上

長壽王譽禧 靖王彥法庶八子嘉靖十七年封四十二年薨無

子除同案本書地理志承天府鍾祥元日長壽縣元末廢洪武三年復置九年四月省入州嘉靖十年八月復置更名是

長壽即今鍾祥也

南漳王定燿 岷莊王五世孫康王譽榮庶六子嘉靖十二年封

三十六年薨無子除同

廣濟王定燦 康王譽榮庶八子嘉靖三十六年封萬曆二十七

年薨子幹埴萬曆九年封長子三十六年頒冊未受命卒無子除

同

穀城王翊鉉 吉簡王曾孫端王載均庶四子嘉靖三十八年封

萬曆二十年薨諡昭憲子常濫二十四年襲封同

鄖西王常湖 益端王曾孫宣王翊釗庶十三子萬曆二十五年

封同

志十四

輿地十四 藩封

望

漢陽王厚燮 衡恭王祐樞庶七子憲宗孫嘉靖十五年封萬曆

十年薨諡溫惠子載塵隆慶三年封長子萬曆十一年卒無子除

同

藩鎮馬氏封建攷於唐後別錄藩鎮蓋彼皆偏方竊據雖其初亦嘗請命天子而與封建實異荆南高氏自唐末迄於宋初歷

五十餘年傳國五世亦竊據一方者也故附列於此

荆南高氏 高季興陝州硤石人初為汴人李讓家僮朱溫鎮宣

武事溫為毅勇指揮使天復三年拜宋州刺史梁兵破襄州以為

荆南節度觀察留後開平元年拜節度使二年加同中書門下平

章事節度荆南十州始至江陵僅一城兵火之後井邑凋零季興

招緝綏撫人士歸之太祖崩乃謀阻兵自固絕貢賦者累年末帝

優容之封渤海王賜袞冕劍佩貞明三年復修貢梁亡唐莊宗入

洛季興朝京師同光三年封南平王明宗時以荆歸峽三州臣於

吳吳册爲秦王天成三年卒子從誨立從誨以父自絕於唐懼見
討乃奉表自歸進贖罪銀三千兩明宗納之長興元年拜從誨節
度使追封季興爲楚王封從誨渤海王應順元年改南平王晉高
祖卽位遣翰林學士陶穀爲從誨生辰國信使後又遣使賜甲馬
百匹從誨求郢州爲屬郡高祖弗許契丹滅晉漢高祖起大原從
誨遣人間道奉表勸進高祖入汴復遣使朝貢仍乞郢州弗與從
誨怒發兵攻郢州爲刺史尹實所敗從誨自救不得遂絕於漢逾
年復通朝貢乾祐元年卒贈尙書令子保融立周廣順元年封渤
海郡王顯德元年進南平王荆南自後唐以來數歲一貢京師而
中間兩絕及世宗時無歲不貢宋興保融懼一歲之間三入貢建
隆元年以疾卒贈大尉弟保勗立三年卒贈侍中保融之子繼冲
立建隆四年湖南張文表作亂太祖命慕容延釗討之假道荆南

志十四

輿地十四 藩封

三

軍至繼冲出逆於郊而前鋒遽入其城繼冲懼卽詣延釗納牌印
太祖優詔復命爲節度使乾德元年有事於南郊繼冲上書願陪
祠九月具文告三廟率其將吏宗族五百餘人朝京師拜武寧軍
節度使卒新五代史南平世家
戎蠻土司嘉慶志於藩封後附載土司而僅自趙宋始竊謂春秋
盧濮諸夷及秦漢後蠻獠種族錯居境內者或世有國
邑或亦受天子之敕命錫爵授官俾相統攝而征其貢賦疆場
有事且令供調發而効前驅雖叛服無常要與土司爲一類故
之悉補

盧戎 中盧城在南漳縣東北五十里春秋時盧戎國又楚之盧
邑也左傳文十八年楚伐庸自盧以往卽此方輿紀要案周書牧
誓庸蜀羌髳微盧彭
濮孔傳謂八國皆蠻夷戎狄屬文王者則盧卽盧戎左傳桓十三
年楚屈瑕伐羅羅與盧戎兩軍之杜注盧戎南蠻文十三年傳庸
人帥羣蠻以叛楚盧蓋
羣蠻之一也字亦作盧

駱越 高陽後越之分蓋古甌駱其散居襄路史國名紀案杜
氏通典襄陽漢中盧

縣也駱越人徙於此在襄水之陽路史說蓋本是然
中廬乃古盧戎國不知與甌駱何分姑依舊稿存之

濮 熊姓書彭濮彭濮人皆峽外為楚患楚滅之預云建寧郡南

濮夷地建寧故縣今為鎮隸石首以多曰百濮路史國名紀案

人率百濮聚於選杜注百濮夷也疏引釋例云建寧郡南有濮夷

無君長總統各以邑落自聚故稱百濮路史所謂預云者指此然

晉之建寧郡李氏地理今釋謂在今雲南曲靖府南寧縣西十里

去楚絕遠與廩人所率之百濮無涉杜說本誤昭十九年傳楚子

為舟師以伐濮楊慎地名考謂雲南不通水道非舟師所能伐其

言是矣顧石首之建寧縣宋史地理志謂乾德三年始置熙寧六

年省入石首元祐元年復南渡後省路史牽合預說即以此當晉

之建寧郡尤為舛謬書彭濮孔傳言在江漢之南國語鄭語蚡冒

於是啟濮韋昭注南蠻之國叔熊避難處史記楚世家叔堪亡避

難於濮正義引劉伯莊云濮在楚西南此雖皆未實指其地然史

記言楚武王開濮地而有之即鄭語所云啟濮者是時楚已都郢

濮在西南以地勢揆之疑在施宜二郡清江鹽水之間傳云廩人

率百濮聚於選杜注選楚地春秋傳說彙纂謂在荊州府枝江縣

南境枝江西南去長陽縣百五十里長陽有武落鍾離山後漢書

謂巴郡南郡諸蠻皆從此出又諸蠻多廩君之後廩君始居鹽陽

即後周所置鹽水縣其故城在今恩施縣東四十里見清一統志

其地去枝江南境亦不遠濮蠻族也意亦廩君之後故種雖近百

蔓延於滇蜀諸省而部落之留居故地者必仍多有然則廩人之

所率叔堪之所避蚡冒之所啟楚子丹師之所伐其必在施宜二

郡清江鹽水之間此有可斷言者容美大田諸土司或仍有其苗

裔也

五姓蠻 巴郡南郡蠻本有五姓巴氏樊氏暉氏相氏鄭氏皆出

於武落鍾離山其山有赤黑二穴巴氏子生赤穴四姓子皆生黑

穴未有君長乃共約奉巴氏子務相是為廩君從夷水至鹽陽地

廣大魚鹽所出廩君於是君乎夷城四姓皆臣之秦惠王并巴中

以巴氏為蠻夷君長爵比不更君長歲出賦二千一十六錢三歲

一出義賦千八百錢民戶出幪布八丈二尺雞羽三十緞漢興南

志十四

輿地十四 藩封

器

患累年廬江太守陸康討破之餘悉降散

後漢書南蠻傳案清一統志武落鍾離山在

長陽縣西北七十八里夷水一名鹽水即清江源出恩施縣西北
羅錫堰廩君立國當在恩施長陽之間因傍夷水為城故謂之夷
城也又案秦并巴中仍以巴氏為蠻夷君長不別置吏此已開後
世土司之例西漢因之迄東漢而屢煩征討則疆臣撫綏之無術
耳

荆雍州此南朝所置之

蠻 盤瓠之後也種落布在諸郡縣宋時

因晉於荆州置南蠻雍州置寧蠻校尉以領之孝武初罷南蠻併

大府而寧蠻如故蠻之順附者一戶輸穀數斛其餘無雜調而宋

人賦役嚴苦貧者不復堪命多逃亡入蠻結黨連羣動數百千人

州郡力弱則起為盜賊種類稍多宜都天門

案此天門郡在今湖南澧州石門縣非安

陸府屬之

巴東建平

案今歸州城即

江北諸郡蠻所居皆深山重

阻人跡罕至前世以來屢為人患少帝景平二年宜都蠻帥石寧

等一百二十三人詣闕上獻文帝元嘉六年建平蠻張維之等五

志十四

輿地十四 藩封

罢

十人七年宜都蠻田生等一百十三人並詣闕獻見其後沔中蠻

大動行旅殆絕二十年南郡臨沮當陽蠻反縛臨沮令傅僧驥荆

州刺史南譙王義宣遣中兵參軍王譙討破之先是雍州刺史劉

道產善撫諸蠻前後不附者皆引出平土多緣沔為居及道產亡

蠻又反叛至孝武出為雍州羣蠻斷道臺遣軍主沈慶之連年討

蠻所向皆平二十八年雍州刺史隨王誕遣軍討沔北諸蠻襲濁

山如口蜀松三砦克之又圍斗錢柏義諸砦蠻軍大破孝武大明

中建平蠻向光侯寇暴峽川巴東太守王濟荆州刺史朱修之遣

軍討之光侯走清江去巴東千餘里時巴東建平宜都天門四郡

蠻為寇諸郡人戶流散百不存一明帝順帝世尤甚荆州為之虛

弊云

南史諸蠻傳

案後漢書言槃瓠之後為長沙武陵蠻馬氏

乃其種落之徙居者通考言自晉劉石亂後諸蠻漸得北遷陸渾
以南滿於山谷宛洛蕭條略為邱墟可知其蔓延之廣矣沔中蠻

卽南郡江夏蠻范書言爲廩君後而此以屬之盤瓠則杜氏通典所謂種落繁盛徙交錯不可得而詳別者史姑依類記之耳又案宋書沈慶之傳趙倫之子伯符爲竟陵太守竟陵蠻爲寇慶之爲設規略每擊破之伯符去郡又別討西陵蠻不與慶之相隨無功而返元嘉十九年雍州刺史劉道產率羣蠻大動征西司馬朱修之討蠻失利以慶之爲建威將軍專軍進討大破緣沔諸蠻擒生口七千人世祖爲雍州時蠻寇大盛水陸梗礙世祖停大堤不得進分軍遣慶之掩討大破之降者二萬口世祖至鎮而驛道蠻反慶之又討之平定諸山獲七萬餘口鄭山蠻最强盛曹宗之屢討不能克慶之剪定之擒三萬餘口還京師雍州蠻又爲寇慶之復與隨王誕入沔至襄陽率後軍中兵參軍柳元景等二萬餘人伐沔北諸蠻入道俱進諸蠻震擾莫不奔潰南新郡蠻帥田彥生叛慶之遣元景率五千人赴之威震諸山此所討皆蠻之散居湖北境內者南新郡未詳所在晉宋二地志皆無此郡名要亦必荆雍二州之所領也

五水蠻 廩君後也西陽有巴水蘄水希水赤亭水西歸水謂之五水蠻所在並深阻種落熾盛歷世爲盜賊北接淮汝南極江漢地方數千里宋元嘉二十八年西陽蠻殺南川令劉臺二十九年新蔡蠻破大雷戍掠公私船入湖文帝遣太子步兵校尉沈慶之

志十四

輿地十四 藩封

吳

討之孝武大明四年又遣慶之討西陽蠻大剋獲而返明帝初卽位四方反叛西陽蠻田益之田義之成邪財田克興等起義攻郢州剋之以益之爲輔國將軍都統四山軍事又以蠻戶立宋安光城二郡以義之爲宋安太守光興爲光城太守封益之爲邊城縣

王成邪財陽城縣王邪財死子婆思襲爵南史諸蠻傳案方輿紀要西陽城在今黃州

府東南巴水卽巴河在府東赤亭水卽赤亭河在麻城縣東南有赤亭城西歸水或曰在麻城縣西北希水卽希水在蘄水縣南亦名南門河蘄水在蘄州北水經注云蘄水出蘄春北山首受滸水枝津西南流歷蘄山出蠻中其間有五水巴水蘄水滸水赤亭水西歸水也蠻戶憑阻山川世爲抄暴宋元嘉二十九年西陽五水羣蠻反自淮汝至江沔咸被其患沈慶之討平之南史說與此合然則蘄黃間當時幾盡爲蠻藪矣又案南齊書蠻傳言宋世封西陽蠻梅蟲生爲高山侯田治生爲威山侯梅加羊爲扞山侯太祖卽位有司奏蠻封應在解例詔特留以治生爲輔國將軍虎賁中郎轉建寧太守建寧劉宋所置左郡在今麻城縣西舊爲蠻戶所居蓋亦若後世土官矣又云建元二年南襄城蠻秦遠寇僮陽縣令焦文度戰死司州蠻引虜攻平昌戍戍主苟元賓擊破之秦遠又出破臨沮百方若殺略百餘人北上黃蠻文勉德寇汶陽太守戴元孫棄戍歸江陵荆州刺史豫章王遣中兵參軍劉伍緒討

勉德至當陽勉德請降遠遂逃竄汶陽本臨之西界桓溫時割以爲郡西北接梁州新城東北接南襄城南接巴巫並山蠻凶盛宋泰始以來巴建蠻向宗頭反刺史沈攸之連討不克太祖置巴州以威靖之永明初向宗頭與黔陽蠻田豆渠等爲寇巴東太守王圖南遣府司馬劉僧壽等攻其若宗頭退走五年雍司州蠻與虜通助荒人桓天生爲亂六年除督護北遂安左郡太守田嗣路爲試守遂安左郡太守前寧朔將軍田驢王爲試守新平左郡太守皆郢州蠻以上並別出於西陽種落之外者南襄城僮陽李氏地理今釋言皆在湖北境南宋上黃縣在荆門州南齊上黃縣在南漳東南臨沮卽當陽汝陽郡治在遠安齊司州寄治孝感後又徙安陸巴州在施南卽唐宋清化郡遂安新平齊皆隸郢州亦湖北地巴建蠻則仍范書所云巴東建平諸蠻廩君之後也

江淮間蠻 蠻在江淮之間布於數州東連壽春西通巴蜀北接

汝頽往往有焉泰常八年蠻王梅安率渠帥數十朝京師求留質子興光中蠻王文武龍請降延興中太陽蠻首桓誕擁沔水以北渾葉以南八萬餘落遣使內屬孝文嘉之拜誕征南將軍東荊州刺史襄陽王聽自選郡縣誕桓玄之子也太和十七年齊直閣將軍蠻首田益宗率部曲四千餘戶內屬襄陽蠻首雷婆思等十一

志十四

輿地十四 藩封

七

人亦率戶求居太和川詔給廩食後開南陽令有沔北之地十八年誕卒子暉爲刺史襲爵景明初太陽蠻首田育邱等二萬八千戶內附詔置四郡十八縣正始二年梁沔東太守田清喜擁七郡三十一縣戶萬九千內附四年梁永寧太守文雲生六部自漢東遣使歸附永平初東荊州表太守桓叔興前後招慰太陽蠻歸附者一萬七百戶請置郡十六縣五十叔興桓暉弟也延昌三年梁遣兵討江沔破掠諸蠻蠻自相督率二萬餘人請統帥以爲聲勢叔興給一統爲之節度其年梁雍州刺史蕭藻遣將寇南荆之西南沔襄沔上下破掠諸蠻蠻首梁龍驤將軍樊石廉叛梁請援叔興遣將與石廉督集蠻夏二萬餘人擊走之正光中叔興擁所部南叛蠻首成龍强田午生等各率戶數千內附梁義州刺史邊城王文僧明鐵騎將軍邊城太守田官德等舉州內屬各拜將軍刺

史封受有差梁定州刺史田超秀亦遣使求附會超秀死其部曲徙六鎮秦隴所在反叛二荆西邽蠻大擾動斷三鵝路殺都督有冉氏向氏田氏陬落尤盛餘則大者萬家小者千戶更相崇僭爲王侯屯據三峽斷遏水路周文略定伊瀍聲教南被諸蠻畏威靡然向風大統五年蔡陽蠻王魯超明內屬授南雍州刺史仍世襲焉十一年蠻酋梅勒特來貢方物尋而蠻杜青和及沔漢諸蠻擾

動大將楊忠擊破之

北史蠻獠傳案方輿紀要太陽成在蘄州西北二百里劉宋時置明帝泰豫元年太陽

蠻酋桓誕擁八萬餘部落降於魏宋泰豫元年即魏延興二年也梁義州通鑑胡三省註謂在齊安郡木蘭縣界蓋今黃安縣地邊城郡隋書地理志謂在黃岡縣梁定州水經注謂治舉水西北蒙龍城今麻城縣東北故定州城也隋志言春陵郡後魏置南荆州春陵即今棗陽縣寰宇記言魏太和中置東荆州於比陽比陽即南陽府唐縣與棗陽接壤所謂二荆者指此西邽隨州此並江淮間於比陽故縣蔡陽即棗陽永寧在荆門漢東即隨州此並江淮間蠻隸湖北境內而稍蔓延及於河南者梅安文武龍史不言爲何處蠻王然本傳云安侍子豹拜江州刺史文武龍拜南雍州刺史魏江州故城清一統志言在麻城縣南雍州郡縣分韻考言在棗

志十四

輿地十四 藩封

吳

陽縣彼皆各長其本部而特假朝廷之官號以爲榮此可知種落之所在矣

施州蠻 施州蠻者夔路徼外熟夷南接牂牁諸蠻又與順富高

溪四州蠻相錯蓋唐彭水蠻也宋咸平中施蠻嘗入寇詔以鹽與

之且許其以粟轉易蠻大悅自是不爲邊患後因饑又以金銀倍

實直質於官易粟官不能禁熙寧六年詔施州蠻以金銀質米者

估實直如七年不贖則變易之著爲令熊本經制涪井事蠻酋田

現等求內附夔路轉運判官董鉞副使孫珪知施州寇平皆以招

納功被賞施黔比近蠻子弟精悍用木弩藥箭戰鬪趨捷朝廷嘗

團結爲忠義軍其後瀘井涪井石泉蠻叛皆獲其用

宋史蠻夷傳案本傳言

順富高溪四州蠻與施相錯溪州故城洪氏乾隆府廳州縣圖志謂在今湖南永順府龍山縣東南宋之上溪州亦在縣境此與施南之來鳳猶相近惟高順二州宋史地理志言爲潼川路瀘州所領富州爲沅州潭陽郡之鎮江若瀘去施甚遠沅在辰州之南亦與施隔均非所能交錯者方輿紀要言施州衛散毛宣撫司爲宋羈縻富州地忠峒安撫司爲宋羈縻順州地忠孝安撫司及高羅

安撫司為宋羈縻西高州地未知何據舊志載溪萬獎錦等州刺史光緒十五年續修稿以非湖北省境而刪之遑矣願於高富順三州之蠻用顧氏說取與施蠻並列恐亦未確三州或與施邇不
必仍在界內也顧氏又言施州金峒安撫司為宋磨嵯蠻地續修稿據之列磨嵯洞蠻於三州之後案宋史蠻夷傳大中祥符元年
黔州言磨嵯洛浦蠻首領龔行滿等率族二千三百人歸順續通鑑長編大中祥符五年二月洛浦磨嵯洞蠻酋田仕瓊等貢溪布
十月磨嵯洛浦蠻貢方物洛浦故城乾隆府廳州縣志謂在湖南永順府保靖縣南磨嵯當與之鄰故每相偕非必即
金峒安撫司茲並削去而姑存所疑於此以俟攷

大田軍民千戶所 本蠻地宋為羈縻柔遠州元曰散毛峒洪武

五年定其地二十三年始置散毛千戶所明年改曰大田軍民千

戶所 方輿紀要 案明史湖廣土司傳洪武十四年置施州衛軍

民指揮使司屬湖廣都司領軍民千戶所一宣撫司三安撫司入長官司七蠻夷官司五二十三年藍玉克散毛峒禽惹刺長官覃大旺等萬餘人置大田軍民千戶所隸施州衛以玉奏散毛鎮南大旺施南等峒蠻叛服不常黔江施州衛兵相去遠難應援今散毛地與大水田連宜置千戶所守禦乃改散毛為大田命千戶石山等領土兵千五百人置所鎮之是所官所以控制諸土司者故明地理志以此列宣撫諸司之前本傳又云正德九年命大田千戶所千戶冉霽子舜卿為指揮僉事則是千戶有時仍用土官為之其得世襲與否則未詳也

志十四

輿地十四 藩封

完

施南宣撫司 本巴蠻地宋為羈縻蠻地元初置沿邊溪峒招討

司至正二年更為施南道宣慰使司十七年為明玉珍所據改為

宣撫司洪武四年復為施南宣慰司尋復為蠻所據二十三年定

其地永樂三年改為長官司明年復升宣撫司隸施州衛 方輿紀要 案

明史地理志言元施南道宣慰司洪武四年因之後廢十六年復置二十七年後復廢永樂二年改長官司屬大田軍民千戶所四年升宣撫司仍屬施州衛湖廣土司傳云洪武二十三年施南叛蠻結寨於龍孔藍玉遣指揮徐玉攻之禽宣撫覃大勝餘蠻退走永樂二年故土官之子覃添富以招復蠻民請仍設治所以戶少降為長官司四年添富來朝改施南仍為宣撫司清一統志云施南宣撫司本朝初為施南土司雍正六年屬恩施縣十三年改設宣恩縣

散毛宣撫司 本蠻地五代時為羈縻感化州宋為富州尋為柔

遠州元初因之尋曰散毛峒至元三十一年升為散毛府至正六

年改為散毛誓厓等處軍民宣撫司明玉珍升為沿邊軍民宣慰

司洪武四年改為沿邊宣撫司十四年定散毛地尋復叛二十三

年發兵勦捕永樂九年置散毛長官司十三年復升宣撫司隸施

州衛方輿紀要案明史地理志元至正三十年置散毛峒蠻夷

撫司明玉珍改宣慰使司都元帥洪武七年改散毛誓厓等處軍民宣

撫司屬施州衛與紀要散毛長官司屬大田軍民千戶所四年升宣

撫司屬施州衛與紀要散毛宣慰司都元帥言洪武五年鄧愈平散

毛柿谿等三十九峒散毛宣慰司都元帥言洪武五年鄧愈平散

十四年周德興討平散毛諸峒置施州衛軍民指揮使司十七年

散毛邊安撫司安撫覃野之子起刺來朝命為本司僉事二

十三年藍玉克散毛峒禽刺惹長官覃大旺等萬餘人置大田軍

民千戶所永樂二年復散毛長官司以故土官之子覃友諒為之

四年友諒來朝改散毛仍為宣撫司據是則紀要言洪武四年改

宣撫司永樂九年置長官司十三年升宣撫司者皆誤嘉慶舊志

云散毛宣撫司覃勳麟順治初襲勳麟子鴻基鴻基子煊遞襲雍

正十三年裁為來鳳縣乾隆二年煊隸江夏縣籍世襲千總蓋即

野旺之苗裔也

忠建宣撫司本蠻地宋為羈縻保順州元置忠建軍民都元帥

府明玉珍因之洪武四年內附六年改為忠建宣撫司尋叛十四

年討平之更為安撫司永樂四年復為宣撫司隸施州衛方輿紀

要案

明史地理志元忠建都元帥府明玉珍因之洪武五年改長官司

六年升宣撫司二十七年改安撫司尋廢永樂四年復置宣撫司

湖廣土司傳云洪武五年忠建元帥墨池遣其子驢吾率所部溪

峒元帥阿巨等來歸附納元所授金虎符并銀印銅章諸敕置忠

建長官司及沿邊溪峒長官司以墨池等為長官二十二年命忠

建宣撫田思進之子忠孝代父職時思進年八十餘乞致仕故有

是命是忠建元帥之內附在洪武五年而非四年宣撫司由長官

志十四

輿地十四 藩封

序

容美宣撫司元至正十五年立四川容美峒軍民總管府明洪

武四年置宣撫司尋廢永樂四年復置隸施州衛方輿紀要案

容美等處宣撫司屬四川行省太祖丙午年因之吳元年改黃沙

靖安麻寮等處軍民宣撫司洪武五年改置長官司七年升宣慰

司後廢永樂四年復置宣撫司其說較紀要為詳湖廣土司傳云

太祖即吳王位丙午二月容美宣撫使田光寶遣弟光受等以元

所授宣撫敕印來上命光寶為四川行省參政行容美峒等處軍

民宣撫司事仍置安撫元帥治之並立太平臺宜麻寮等十寨長

官司是元時容美仍為宣撫司而非軍民總管府麻寮等處所設

乃長官司而非宣撫司此與地志及紀要互異者也傳又云正德

十五年容美宣撫司同知田世瑛奏獲鎮南軍民府古印為始祖

田始進開熙二年頒給乞改升宣撫司為軍民府部議不當更古

印宜繳從之開熙當為開禧之譌是容美之設土官自南宋時已
然而田氏世襲者歷數朝嘉慶舊志云容美宣慰司田舜年康熙
初年襲舜年子旻如雍正十三年謀逆事發自縊裁歸鶴峯州宣
慰豈清初改升者耶又案明施州土司以上四宣撫為之長故施
州土司傳卽以此四司標目宣撫所領者為安撫安
撫所領者為長官司及蠻夷官司今依次條列於後

東鄉五路安撫司 本蠻地宋元為細沙寨明玉珍改置東鄉五

路宣撫司洪武六年更為安撫司二十三年廢永樂五年復置安

撫司宣德三年分領搖把峒以下長官司三鎮遠隆奉蠻夷官司

二隸施南宣撫司 方輿紀要 案明史地理志元東鄉五路軍民

府洪武四年改置長官司後升安撫司領長官

司三蠻夷官司二與紀要言玉珍設宣撫者異湖廣土司傳云永

樂五年設東鄉五路安撫以覃忠為之隸施南謂隸施南宣撫司

也嘉慶舊志云東鄉五路安撫司覃壽春遞襲至雍正十三年歸

誠改流北入為恩施縣境而清一統志謂廢東鄉土司在宣恩縣

蓋其地當兩界之間故不妨言之各殊耳

搖把峒長官司 元又把峒安撫司後廢宣德三年改置 明史地

理志

案元史世祖本紀至元十六年詔諭義巴散毛峒蠻其置安撫當在

十一年敕荆湘四川兩省合兵討義巴散毛峒蠻其置安撫當在

討平之後明史湖廣土司傳成化二年搖把峒長官向麥答踵奏

鄰近洗羅峒長窺知本峒土兵調征兩廣村寨空虛煽誘土蠻攻

劫乞調官軍勦治洗羅峒蓋

當時生蠻之未設官司者

上愛茶峒長官司 下愛茶峒長官司 二長官司俱元容美峒

地至大二年置懷德府屬四川南道宣慰司至順二年升宣撫司

至正中升軍民宣慰司太祖甲辰年改軍民宣撫司後廢宣德三

年改置 明史地

鎮遠蠻夷官司 宣德三年置 明史地

隆奉蠻夷官司 元隆奉宣撫司洪武四年改長官司後廢宣德

三年改置官司 明史地理志 案湖廣土司傳宣德二年設搖把

峒上愛下愛二茶峒三長官司及鎮遠隆奉二蠻

夷官司皆隸東鄉五路安撫司而地志及方輿紀要並以爲宣德

三年置未知孰誤清一統志搖把峒以下諸土司俱在宣恩縣境

雍正十

三年裁

忠路安撫司 本蠻地元曰忠路寨明玉珍時更置忠路宣撫司

志十四

輿地十四 藩封

至

洪武四年改為安撫司二十三年廢永樂五年復置宣德三年分領劍南長官司仍隸施南宣撫司方輿紀要案明史湖廣土司傳永樂五年復設忠路安撫司以覃英為之賜印章冠帶嘉慶舊志忠路安撫司覃承國前明宣慰司進孝子康熙元年以征譚逆功襲前職承國卒子世藩襲世藩卒子建侯襲建侯卒子楚梓襲至雍正十三年歸誠改流裁為利川縣乾隆二年楚梓隸漢陽縣籍世襲千總後累擢貴州提標參將前明忠路無宣慰司而舊志云然豈其末年改升耶

劍南長官司 宣德二年設隸忠路安撫明史湖廣土司傳案要並作三年清一統志云在利川縣境今裁

忠孝安撫司 本蠻地宋為羈縻西高州地元置大奴管勾等峒長官司至正十一年改為忠孝軍民府十五年又更為忠孝軍民

安撫司明玉珍改為宣撫司洪武四年復為安撫司二十三年廢永樂五年復置隸施南宣撫司方輿紀要案元史順帝本紀至南軍民府改四川忠孝軍民府為軍民安撫司明史湖廣土司傳永樂五年設忠孝安撫司以田大英為之賜印章冠帶嘉慶舊志

志十四

輿地十四 藩封

五

云忠孝長官司田耳毛永樂四年設耳毛卒子敬襲敬卒子子春襲子春卒子英襲英卒子興虎襲九傳至永豐征張獻忠有功升安撫司永豐子京康熙八年襲前職累授總兵十九年告休子昌祚昌祚子璋遞襲雍正十二年歸誠十三年裁為恩施縣乾隆二年璋隸漢陽縣籍世襲千總此謂田氏自永樂以來世為忠孝長官至永豐征寇有功始升安撫與紀要及明史志傳之說全異恐未足據

金峒安撫司 本蠻地元置金峒寨明玉珍改為鎮邊五路總管府洪武中金峒蠻叛二十三年討定其地永樂五年始置安撫司

宣德三年分領西坪蠻夷長官司方輿紀要案明史地理志言長官司永樂五年復故隆慶五年降為峒長與紀要之說異湖廣

土司傳永樂五年復設金峒安撫司以覃添貴為之弘治九年金峒安撫覃彥龍奏境內產杉木嘗鬻金貯庫請解部隆慶元年安撫土舍覃璧爭印相殺下撫按勘報四年覃璧作亂命所司相機勦撫五年覃璧平降安撫為峒長聽支羅所百戶提調言復設是其先舊為安撫覃氏實世襲其職矣嘉慶舊志云安撫司覃仕英康熙四十四年襲前職卒子邦舜襲雍正十三年歸誠改流裁為咸豐縣乾隆二年邦舜隸漢陽縣籍世襲千總

西坪蠻夷官司 宣德三年置明史地理志案湖廣土司傳言宣德二年設石關峒長官司西坪

蠻夷官司隸金峒安撫是其事在二年非二年石關峒長官司地志未載方輿紀要亦云金峒安撫僅領西坪一蠻夷官司其後又裁省耶土司傳言兵部議四百戶以上設長官司四百戶以下設蠻夷官司此有明定制故地制於蠻夷官司無稱長者而紀要通謂之長官司殊欠審覈清一統志云廢西坪蠻夷長官司在咸豐縣境明宣德三年置今廢亦誤增一長字蓋不知二官司固有等殺之辨也

中峒安撫司 嘉靖初增設隸施南宣撫司 方輿紀要明地理志同

龍潭安撫司 本蠻地元置龍潭宣撫司明玉珍時為龍潭長官

司洪武四年更為安撫司尋叛發兵討平之二十三年廢永樂五

年復置屬散毛宣撫司 方輿紀要案明史地理志言元龍潭宣撫司明玉珍改長官司洪武八年改安撫

司屬四川重慶衛二十三年廢永樂四年復置來屬與紀要微異湖廣土司傳云永樂四年以田應虎為龍潭安撫時應虎來朝言其祖父自宋元來俱為安撫自蠻亂併其地入散毛隔遠難治乞仍舊從之是亦謂永樂四年復置嘉慶舊志乃云安撫司黃俊嘉靖二十六年設案土司傳言嘉靖三十三年龍潭安撫黃俊以殺人繫獄其子中賄當事者出之後又以罪誅中亦謫戍則黃俊之為安撫或在嘉靖二十六年然此必因田氏失職別以黃俊繼任非於是時始設安撫舊志特叙次之未明耳志又云龍潭安撫司

志十四

輿地十四 藩封

壘

田歷國康熙五年襲前職至田貴龍歸誠雍正十三年裁為咸豐縣乾隆二年貴龍隸江夏縣籍世襲千總此則係黃俊誅後仍以田氏為安撫故得遞傳而

大旺安撫司 本蠻地元時以大旺地大翁迦峒屬師壁峒安撫

司明玉珍置大旺宣撫司洪武五年大旺蠻叛討平之六年仍置

宣撫司永樂五年改為安撫司宣德三年分領東流臘壁二蠻夷

官司仍隸散毛宣撫司 方輿紀要案明史地理志言明初置大

本紀至正十一年師壁安撫司土官田驢什用降立長官司四巡檢司七則是時師壁安撫司又嘗裁改以長官巡檢治之矣嘉慶舊志云大旺安撫司田承封承封子安國安國子王玉子正元遞襲雍正十三年裁為來鳳縣乾隆二年正元隸孝感縣籍世襲千總

東流蠻夷官司 洪武八年置安撫司屬四川後廢宣德三年改

置來屬 明史地理志案湖廣土司傳設東流蠻夷官司在宣德

仁興仁子堯封遞襲雍正十三年裁為來鳳縣乾隆二年堯封隸孝感縣籍世襲把總長官司蓋清初所改

臘壁峒蠻夷官司 宣德三年置 明史地理志 案湖廣土司傳 亦謂在宣德二年嘉慶舊志云

臘壁長官司田琦康熙元年頒給印信琦子朝柱朝柱子俊德俊 德子封疆遞襲雍正十三年裁為來鳳縣乾隆二年封疆隸孝感 縣籍世襲把總

忠峒安撫司 本蠻地元置湖南鎮邊宣慰使司明玉珍更置浚

邊溪峒宣撫司明初廢永樂四年復置忠峒安撫司隸忠建宣撫

司方輿紀要案明史地理志言洪武五年改浚邊溪峒宣撫司 為長官司後廢紀要略之嘉慶舊志云忠峒宣撫司田楚珍順 治初調征播州叙功襲前職楚珍子桂芳桂芳子雨公雨公姪光 祖遞襲雍正十三年裁為宣恩縣乾隆二年光祖隸江夏縣籍世 襲千總此宣撫當為永樂宣德以後 所改升其在何時則無可考證矣

高羅安撫司 本蠻地元置石溪峒長官司尋為高羅寨長官司

又升為宣撫司明玉珍改為安撫司明初廢洪武六年復置安撫

司明年叛廢尋討平之永樂四年改置安撫司分領木册長官司

方輿紀要案明史地理志言洪武六年廢高羅安撫司無初廢 六年復置之說與紀要異嘉慶舊志云高羅安撫司田飛龍順治 初襲子國鼎國鼎子昭遞襲雍正十三年裁為宣恩縣乾隆 二年田昭隸漢陽縣籍世襲千總此亦領於忠建宣撫者也

木册長官司 元安撫司明玉珍改長官司洪武四年廢永樂四

年復置屬高羅安撫司宣德九年直隸施州衛 明史地理志 案 湖廣土司傳永樂

四年木册長官田谷佐云祖父世為安撫洪武時大軍平蜀民驚 潰治所廢今招集三百餘戶請襲許之宣德九年木册長官田谷 佐奏高羅安撫常倚勢凌轢侵奪其土地人民已蒙朝廷分理然 彼宿怨未平恐復加害乞徑隸施州衛從之此志所云復置改隸 之事而方輿紀要但言玉珍改安撫為長官明初因之隸高羅安 撫司於永樂宣德時事皆弗及失之疎矣嘉慶舊志云木册長官 司田經國子生瓊生瓊子濟民濟民子應鼎遞襲雍正十 三年裁為宣恩縣乾隆二年應鼎隸孝感縣籍世襲把總

思南長官司 成化以後增置亦隸高羅安撫司 方輿紀要案 清一統志廢思

南長官司在 宣恩縣境

盤順安撫司 成化以後置隸容美宣撫司 方輿紀要案明史 地理志云盤順長官

司元統二年置盤順府至正十五年升軍民安撫司洪武五年 改為長官司而於成化置安撫之事初未之及湖廣土司傳則並 盤順長官亦無之蓋志第言其初制傳實失之漏略也清一統志 云盤順安撫司在鶴峯州境明成化末置今裁與紀要說合又案

元史順帝本紀元統二年四川大盤峒蠻謀谷什用遣男謀者什
用來貢方物即其地立盤順府命謀谷什用為知府至正十二年
四川未附生蠻向亞甲洞主墨得什用出降立盤順府十五年罷
盤順府改立盤順軍民安撫司墨得什用當即謀者什用前既立
府以其父為知府矣十二年復云立府蓋一事而誤復出
者元時容美土司隸四川夔州路故本紀謂之四川蠻也

椒山瑪瑙長官司 五峯石寶長官司 石梁下峒長官司 水

盡源通塔平長官司 四長官司俱洪武七年置十四年廢永樂

五年復置 明史地理志 案湖廣土司傳云洪武十四年置施州

五峯石寶日石梁下峒曰水盡源通塔平又云永樂五年五峯石

寶長官張再武以襲職請從之同時設石梁下峒椒山瑪瑙水盡

源通塔平三長官司以向潮文劉再貴唐思文為之隸容美是四

長官皆直隸於宣撫與他長官異然其時盤順安撫司猶未設不

得不爾成化以後恐不然顧傳志皆未之詳是亦未可意斷也五

峯石寶雍正十三年改置長樂縣餘並在鶴峯州境見清一統志

鎮南長官司 本西溪蠻地元初置毛嶺峒至正十五年置宣化

鎮南五路軍民府領提調軍民鎮撫所蠻夷軍民千戶所尋改為

湖南鎮邊毛嶺峒宣慰使司明玉珍改為鎮南宣撫司洪武四年

內附二十三年廢永樂五年復置鎮南長官司直隸施州衛 方輿

案明史地理志言鎮南宣撫司太祖丙午年因之尋廢洪武八

年復置屬施州衛二十三年復廢永樂五年改置丙午乃吳元年

時太祖猶未即位改元則內附當在洪武四年以前與紀要異湖

廣土司傳云永樂五年鎮南長官覃興等來朝稱係世職洪武中

廢今招徠蠻民三百戶乞仍舊從之清一統志

鎮南長官司在宣恩縣境明永樂時置今裁

唐崖長官司 木五溪西界地元置唐崖長官司尋更為軍民千

戶所明玉珍改為宣撫司洪武六年仍置長官司後廢永樂四年

復置直隸施州衛 方輿紀要 案明史地理志元唐崖軍民千戶

永樂四年復置以宣撫為安撫六年為七年與紀要異湖廣土司

傳永樂四年唐崖長官覃忠孝言祖父世為安撫洪武時大軍平

蜀民驚潰治所廢今招集三百餘戶請襲許之此第請復長官治

所而傳誤云世為安撫請襲謬矣嘉慶舊志云唐崖長官司覃宗

禹康熙四年以宣慰司改給長官印宗禹子鉉鉉子溥澤溥澤子

梓椿梓椿弟梓桂遞襲雍正十三年裁為咸豐縣乾隆二年梓桂

隸漢陽縣籍世襲把總宣慰司當為長官所改升第未知在何時

以上二長官皆為宣撫安撫所領而直隸於衛者故改列於末

湖廣安定宣撫使 初太祖即吳王位甲辰六月湖廣安定宣撫

志十四 輿地十四 藩封 妻

使向思明遣長官硬徹律等以元所授宣撫敕印來上請改授乃命仍置安定等處宣撫司二以思明及其弟思勝為之又置懷德軍民宣撫司一以向大旺為之統軍元帥二以南木潘仲玉為之抽欄不用黃石三峒谷置長官一以沒葉大蟲硬徹律為之籛坪峒設元帥府一以向顯祖為之梅梓麻寮二峒各置長官一以向思明唐漢明為之皆新降者明史湖廣土司傳案本條諸土司之制一切悉仍元舊迨其後諸蠻屢叛迭次討平又設衛所置指揮使以鎮之其間必多所革易前之宣撫元帥長官想已無復存者故並略焉然其事究不可沒因附志於此

沙溪宣撫司 沙溪宣撫司黃天奇康熙四年襲前職天奇子楚昌楚昌子正爵遞襲雍正十三年裁為利川縣乾隆二年正爵隸

江夏縣籍世襲千總嘉慶志

卯峒安撫司 卯峒安撫司向子坤其子舜襲雍正十三年裁為

志十四

輿地十四 藩封

五

利川縣乾隆二年向舜隸孝感縣籍世襲千總嘉慶志

卯峒百戶所 卯峒百戶所向柱遠子金鑾金鑾孫權遞襲雍正

十三年裁歸來鳳縣乾隆二年向權隸孝感縣籍世襲把總嘉慶志

溫水宣撫司 溫水宣撫司向國泰子正乾正乾子廷富遞襲雍正

正十三年裁為來鳳縣乾隆二年廷富隸孝感縣籍世襲千總嘉慶志

湖北通志案施州於清雍正六年始改為恩施縣十三年升為施南府其前仍沿用明之衛制故有宣撫安撫等職沙溪卯峒溫水諸司明地志及土司傳均未載當為清初所設或云明天啟崇禎之際國家多故諸土兵之備征調從討伐者頗為有勞上三司一所乃當時增置以慰其酋長而清初仍之者特史未及詳其說亦可信也